



04055

耕煙艸堂
詩鈔二卷

順德李文田書題

同治辛未秋
安越堂重雕

耕煙草堂詩鈔原叙

種瑤予同懷弟也。卅年喜吟詠隨侍。

先大夫宦楚師吳江顧劒峰先生同門爲陳芝楣陳秋舫章瑄
蕪璧田四君日夕酬唱未幾秋舫芝楣先後登上第章氏伯仲
亦踵舉南宮種瑤獨牢落不偶去習法家言客錢裴山中丞陳
望坡李鹿萃兩制使幕府李公移節後不欲橐筆遠遊迺入貲
爲縣丞需次西江適會賓谷中丞家居招與談藝復從吳蘭雪
刺史游刺史詰以學詩必自漢魏始未可以近體入手於是詩
境一變時予從任城相國來江南留宰下相種瑤知予左右無
人復辭官而至下相濱河淮墟最爲衝劇予治官文書未暇他
顧朋舊戚鄰冠蓋往來投詞無虛日種瑤應之輒得其意以去
少暇則擘箋濡墨分題鬪韻若無事事者予官轍所至種瑤罔

耕煙草堂詩鈔叙

弗從自入牂牁山川詭麗眼界忽開游益奇所作詩亦遂益工
閒寫山水宗法三王筆意蕭遠如其詩予勸其版行久矣種瑤
輒笑不答今夏以微疾委化予哭之慟亟取其自定藁草二卷
付諸手民槧工告竟距琴亡之日蓋已五月矣郡齋風雨挑鐙
校讀老淚霑溢行閒追念四十年對牀和韻光景如昨而彈指
閒已不可復再悲夫咸豐戊午仲秋月兄翰敘

耕煙草堂詩鈔卷一

山陰平

恭讀

御選唐宋詩醇各賦五律一首

李太白

神魚立秋水天馬踏春風筆力森仙骨詩名徹帝聰吸騷偏嗜
醉吞史尙全功片羽荆山璞至今售不窮

杜少陵

警策超前代規模啟後賢有言皆作典無筆不如椽春滿花成
海秋空月到天平生憂國淚獨自洒山川

韓昌黎

筆振開旗鼓詩成若鼎銘使人尊北斗驅鱷歛南溟兩鬢中年

耕煙草堂詩

白雙眸萬古青及門多國士忠諫示儀型

白香山

銀漢消雲翳冰壺透月光識高人自淡語淺意何長社款裴中
立花知白侍郎一生名勝地不僅著文章

蘇眉山

升沈無定所春夢未離身才足扶周室詩猶冠宋臣舟車奔歲
月冰雪湛精神諫論崇儒術昌黎後一人

陸放翁

詩敵陶朱富人恬水石情清風蓮博士薄宦錦官城芻飯宜身
壽虹霓就筆生憂時見遺訓家祭告昇平

騎馬遊鄂州洪山

羸馬馱書生欲行而不行蒼霧一鞭出白沙四蹏輕鳥聲咎遠



磬漁夢棲孤汀修竹繞紅寺高松盤紫冥得茲入谷味勝彼出山情

岳松行

洪山絕頂盤蚪龍云是七百年前松岳家將軍匹大樹撐持南宋江之東南宋泥馬渡江走鄂岳上流資鎮守手種此樹山之幽霜皮黛色今不朽惜哉高宗摧棟梁冤獄不信韓蘄王鐵槍鐵槍真繆醜朔風謾謾心悲涼夕陽慘淡松陰暮荒草寒烟滿山隴歷劫猶蟠宋土根至今鬼哭冬青樹

四賢祠

敬庵

忠烈公吳裕中

忠諫言激昂白簡五夜飛清霜廷威反爲東厥揚

臣骨已碎

臣心剛臣母亦喜兒范滂明龍文毅公郭正域氣節扶朝綱

首輔憎忌相參商妖書羅織曠生光公能脫禍歸故鄉林泉十

耕煙草堂詩鈔

二

載游羲皇芝岡襄愍公熊廷弼中朝一棟梁文章韜略何精詳撫分經

權失封疆羣小反噬長城戕旣使不爲郭汾陽又使不爲文天

祥天下英雄心悲涼克由文忠公賀逢聖匡弼股肱良叠疏辭歸兩鬢

蒼獻逆猖獗陷武昌捐軀授命湖中央風日炳節蓮開張湖名陽

成種荷花

勺庭書院臥柏

夜靜月孤白無雲潭太清黛色一庭貯銅柯千尺橫盤盤根穿石獵獵瘦垂翬鸞鳳棲得所蛟龍睡無聲賢者擁皋比樹亦發

古青

題黃穀原采藥圖

君畫黃子久君詩孟浩然作吏如梅福有眷似采鸞仙才仙福貪仙祿欲將火裏栽青蓮我曾夢君采仙藥招手同上三神山

青鸞背渴騎不得相扶賴有洪厓肩奇文異書卒難讀仙之所
秘不可宣歸來硯側排三島筆縱天吳吐百川

顧劍峰師熊兩溟博士黃穀原主簿章瑄薊省郎過寓齋

小飲復至仙棗亭避暑

斗室之中布邱壑山石一拳池一勺叩門忽有詩人來蒲萄酒
飲鷓鴣杯酒酣兩腋清風生解衣盤礴仙棗亭亭前棗樹厯太
古蒼鐵削出千年青此間逃暑如逃禪手翻貝葉眺山川山翠
萬重眉際落江光一綫腳根纏鬱烟毒霧腥風炙獨有蛟龍不
受熱怪底古今無盡流炎熾不化濤頭雪濤頭雪上行人頭居
者不識行者愁昨爲季倫今阮修人生順逆江行舟勸君淡泊
明遠志聽我高歌子皮子忽聞下界有人言何處神仙來游戲

游鄂城七竹園贈主人

耕煙草堂詩鈔

三

編籬設徑鑿方塘几淨窗明讀老莊茶焙綠雲醒午夢桂飄黃
雪賸秋光門懸一塔瘦於筆江湧數峯青到牀更闢田園蒔花
竹客來是處好壺觴

自題畫石

管城子奪造化功神工鬼斧腕力中擘取太華雲一角古色渾
若周秦銅橫視直視得奇趣夕陽烘破尖碎峰一峰峭立一峰
側參天則尊撲地褻鍊之誠可補太空棄之還是一拳石

章瑄薊將南還余將北上熊兩溟李曉桐黃穀原餞別黃

鶴樓

高樓風笛愴離羣北轍南轅此會分檻外濤聲來驟雨尊前帆
影落輕雲酒宜劉表料三雅人合延之詠五君一幅漢江圖送
別坐中恰有李將軍

曉桐善
畫山水

小河道中

剪刀風裡柳絲輕燕子南來我北征
春水半篙漁艇活夕陽一角寺樓晴
荒村近市聞絃管驛路題詩隱姓名
偏是勞人有清福好雲山趁馬蹄行

廣水驛夜雨

亂山圍破屋牀上有峯巒竹雨捎
衾濕松濤打枕寒殘書消薄酒老
僕勸多餐未曉衝泥去春雲壓馬
鞍

由李家寨至武勝關

村郊兵燹後瓦礫築煙墩驛馬馱
商橐山猿臥縣門設關依峻嶺出
峽近中原羣盜今如洗時平曠

聖恩

黃河

耕煙草堂詩鈔

四

雲沙甸線柳婆娑水落隄邊破屋多
日色荒風獵獵有人匹馬上黃河

鄴下

臨漳西望夕陽沈銅爵臺荒噪晚禽
舞帳伎人空奏樂入關才女感揮金
詩文輩許稱雄手權位奸無自帝心
疑家尙留身後計復伏殷監伍員深

爲友人題山居消暑冊頁

地靜林深晝更長午溪流水奏笙簧
三杯草聖開春甕一枕羲皇設夏牀
青箬笠邊紅日冷紫蕉衫上白雲涼
身經幽邃心忘暑杖策峰巒待夕陽

七里瀧

一舟入瀧衆山起七里無風七十里
天遣羣山東此江近山不

動遠山徒遠山忽出當船頭近山忽轉入林裏船頭山逐林裏
山近山又爲遠山矣近山遠山俄不分舉目一片蒼涼雲停舟
欲訪羊裘客三益招來話夕曛

滕王閣

面江開傑閣覽勝古今同童子千秋序馬當一夕風牙檣經水
驛才斗壓花叢咫尺通仙境西山隱霧中

百花洲

綠楊春樹千風柔人影衣香水面浮燕子呢喃鶯現曉百花生
日百花洲

題曾賓谷中丞吳蘭雪中翰西山唱和集後

東鄉南城兩詩人言雨去寫西山真歸囊裝滿一山雲化雲爲
詩妙入神奇若駿馬來天空奔騰驅走千玉龍矯如飛泉挂匹

耕煙草堂詩鈔

五

練風雨出林灑郊甸以雲狀詩詩態清以詩化雲雲氣橫是詩
是雲何處分西山從此開精靈明年更聞游廬草那得追步捫
星斗兩枝詩筆雙劍峯擘取芙蓉莫使走青蓮有谷不歸來終
被匡君笑白首

春雨期小鶴王春橋不至

溪水滑於芻苔痕綠進齋炊烟低紙帳爐火灸吟鞋敲竹檐前
掃流泉石上搯故人期不至何以慰清懷

題李青厓鬪髀小照

畫形不畫色抱情在太素畫骨不畫肉反本得微悟渾沌偶假
合生死草頭露生不過百年死乃足千古

秋感

半鈎山月挂桐陰沾得村醪細細斟一事已差爲卜式十年深

悔作陳琳入秋閒病增吾懶脫手新詩教女吟自笑牀頭空摸
索菊花猶有縱黃金

太白樓

大山突兀小通峭忽如鳳翥忽龍跳橫江巨石青獅蹲卷地銀
濤白鯨嘯危樓百尺雲當中文章光燄凌蒼穹君本竹溪六逸
翁名心一動徂徠空蜀中酒樹或爛朽手把芙蓉花便走筆花
五色散九陔不慚身是如來後身已如佛才如仙謫亦不讓屈
賈賢玉山頽到翠螺上夕陽紅作酩酊顏醉摩銅狄求黃老六
合清風灑吾道四明狂客亦隱居剡州一曲春波渺林下故交
半白頭尊中有月心忘憂驢壇一幟千秋重供奉歸來猶有樓
金陵懷古

春燈影裏陣圖開聲色君王夢尙恢明月悲涼桃葉渡夕陽消
耕煙草堂詩鈔

六

瘦雨花臺更翻玉樹傳新曲歷數銅駝葬劫灰莫覓雞鳴山外
勝鳳皇飛去燕飛來

秦淮早春

秦淮十里半樓臺夾岸寒梅對鏡開凍解水雲疑湧出雪晴山
翠若浮來人温故曲時調笛我洗春愁一舉杯堤縱斑斑離河集
舫六朝風景未曾頽

隨園

小桃源裏築詩窩樹樹垂楊葉葉荷山水分來腕有壑典墳誦
福口懸河六朝金粉消魂劇一殿靈光下拜多天許著書寬歲
月何曾春夢醒東坡

贈王瘦雲

雲中一鶴高高翔王郎束髮去故鄉世無吳公薦買誼挾策何

以登明堂軟紅塵裏滿青紫眼中之人獨吾子酒酣拔劍斫地
來劇孟意氣豈足恃塌來歧路一揮手君至黔南我江右君吟
溪尚折梅花我到匡廬近南斗兩人行蹤半天下何處龍門長
聲價愛才縱遇信陵君亦恐侯生被竊罵我因傲慢遭世惡君
更掉頭獨不顧今年重晤非意中豪飲狂吟尚如故吁嗟乎人
間鴻雪原無蹤天上雲龍偶相從青天飛出兩白龍一貪人豢
卑如蟲

金山

乘風鼓棹叩禪關極目江天去鳥閒隱隱蓬瀛蒼霧裡層層樓
殿白雲閒撐霄峭骨真無倚拔地竒蹤尚許攀合與焦先成四
傑上游回首兩孤山

焦山

耕煙草堂詩鈔

七

蒼煙千古溼冷霧一堆凝遙矚意絲邈到來心奮興高吟紅日
起軟踏白雲層天下山無限因人幾得稱

京口

濤聲澎湃雨滂沱高挂蒲帆駛入河驛馬嘶殘官歲月江豚吹
老客風波山包郡縣千層繭浪煮金焦兩點螺爲問蘆邊謀食
鴈秋來何處稻梁多

舟中望慧山

將入芙蓉河九峰起迎舸紅碧橫翠微夕陽正西墮舟行五十
里山色猶銜柁根自天日來身與錫山夥一塔支晴空髻鬟盡
低鞞中有第二泉汲飲宜松火名山宿有因那可詩無我

蘇臺懷古

兩劍藏懷一劍行梧宮花月鵬鳴鳴鸞新女爲窺吳美乞市簫

多怨楚聲舉國山河裝錦繡隔鄰風雨起鯨鯨而今亦有鴟夷
子畫舫迷春變姓名

虎邱遺興

短簿祠前笑語譁綠楊陰裡小橋斜一隄春草連裙屐滿店棠
梨賣酒茶日暮三招青雀舫夜涼雙跨紫鸞車

山塘夜集湖船
輪掉三次謂之

打三招又有一來朝更踐游山約市地黃雲看菜花
轆而坐兩女者

春光益益復濛濛獨坐山樓悵望中齊女門邊挑菜雨真孃墓
上落花風一川寒碧浮詩舸七寶裝嚴起梵宮佛恐難成仙恐
謫吾生最慕信天翁

秦夫人良玉小像

文有蘇蕙武木蘭一身兼者古所難平臺御藻激天下忠心誰
似將軍丹將軍幾見稱女子天賦奇才艷青史想當控馬入戰

耕煙草堂詩鈔

八

場明眸一顧陣雲紫身盤五色雲錦裳手舞一枝梨花槍槍頭
戰血紛如雨片片梨花飛夕陽廿年義旅守石砭玉手揮兵殺
黃虎神勇不啻梁夫人黃天蕩裡搥戰鼓奈何鼎湖如濫觴蜀
縱不陷明亦亡孤軍豈能延國祚舉目紛紛楊嗣昌截絹寫出
驚鴻身修史曾沐

熙朝恩列傳不與列女伍榮比麒麟閣上人

西湖

冶游鎮日不知還一領吟衫翠雨斑樹杪綠萋春水艇樓頭紅
袖夕陽山白蘇遺跡憑誰繼梅鶴高風許我攀已覺此身入僊
境如何歸路又人間

越王臺懷古

此日荒臺臥夕陽當年憂樂幾平章令行中夏尊周室世守扶

餘祀禹王越國山川嘗膽霸吳宮花月捧心涼功成人有藏弓
歎一片煙帆自主張

題曼香開士行腳圖

山陰道上香花叟坐破蒲團悟二乘折葦遠尋流水曲攀蘿高
入碧雲層交游三世君真佛與先伯祖火蓮居士及先大夫皆稱交契歸隱中年我
漸僧從此幽棲結蓮社紛華塵事等春冰

登香鑪峰

振衣千仞追靈蹤湖山八百歸茲峰兩足已浮元象外一身活
潑無罣礙峰巔嵌寺佛藏芥羣巒俯首諸峯拜一峯忽隱一峯
開我佛蓮花散下界越州女子信彌陀竹輿倒坐春風拖春光
貽蕩春雲驕雲裡春衫香不消心香未熱心旌懸疏磬一聲散
暮煙煙消日下天五色晚燒炎炎半山熱回看雙手擎中天毛

髮蕭森樹冷鐵

耕煙草堂詩鈔

九

里門秋思

古陌斜陽樹樹秋鯉魚風裡送歸舟偶栽黃菊開三徑爲愛青
山起一樓看劍滿斟銀鑿落買書頻典玉雕鏤杜門何敢羞聞
達願學鄉居馬少游

北平瀾賑息災氛西徼馳書起陣雲乙夜篝邊勞

聖主六韜專閫屬將軍窺唐回紇稀重突出塞王師馬不羣卻
笑儒生持寸管坐臨秋樹策詩勳

海上歸來賸硯田一身棲息鑑湖邊嗣宗潦倒非無故曼倩談
諧亦偶然照我愁生明鏡裏懷人心在夕陽前舊交尙有方三

拜謂方仲堅同誼魚經泛釣船

焚膏繼晷入秋長少長咸來話草堂幾見科名同李固愧將家

世說平當遼天鴈影三更月野寺鐘聲一片霜終覺此身無是處未能寡過負文章

讀吳梅邨集

身世干戈裡餘生有老親君先自論定圓石署詩人

題族叔小照

買山不須錢乞賜鑑湖曲家人有餘歡衣食取裁足胡弗快平生超然榮與辱展圖意欣欣此中遠殊俗老屋三五椽種樹青如東郊外多白雲一雨到門綠事業歸田園及時耕問僕杖底許從游還宜竹林續

消寒十詠

寒鐘

寺樓風急凍雲飄長嘯空山谷應遙一鴈鳴霜知永夜有人映雪眼中宵當頭棒喝聲俱冷拂面塵多愧未消記得年時游子路半江漁火過楓橋

寒岫

幾枝玉筍吐霜晨遠列窓中坐對親九疊屏開晴翠冷千盤髻點雪花春見來飯顆詩人瘦歸去雲心隱士真畢竟此身有仙骨一時蟬蛻出精神

寒樵

漫愁榛棘路難分呵手除來藉斧斤半束尙堪供冷爨一枝未許息勞筋漁蓑江上迷層雪牧笛村前裂凍雲風景蕭蕭生計苦歲闌能不念同羣

寒潮

一從聽罷廣陵間怒失陽侯只等閒嗚咽聲猶惹白馬奔騰勢

不走銀山水枯支港期朝夕歲逼帆檣待去還人事無如君至
信那辭冰雪鎖江關

寒帆

料峭西風去路悠幾人安穩托中流影橫吳岸濛濛月夢轉湘
江葉葉秋激矢勢騰冰上騎懸旌心羨雪中鷗天涯歲暮身無
恙且向雲程好處收

寒昏

終年高枕在江干冷落生涯一架單忍凍夜擎花六出消冰早
挂日三竿霜鷗驚起疑羅網雪餉投來避急灘雁替打更月爲
燭頭銜雅合署漁官

寒吠

孤邨籬落月三更驟聽猿信似豹聲客送梅花門乍叩夢回燈

耕煙草堂詩鈔

十一

火柝齊鳴青氈舊物穿窳夜黃耳家郵冒雪程八口我無糧隔
宿漫勞禾夕守柴荆

寒鑪

幾見烏薪饋歲來擬燒丹鼎愧無胎酒傾不落香初暖花亞軍
持凍欲開從古劫灰何處證一時春意此中回閉門別有高人
臥穩抱冰心對瘦梅

寒蔬

破曉肩來陸氏莊幽人食祿味偏長恩叨地主憐工部淡到臣
心見武鄉薄藉鋤犁三畝富飽餐霜雪一冬香與君品類真投
合老瓦盆中小宰羊

寒硯

十載芸窻耐冷過更依琴劍走關河誰知佳境冬烘好共說良

田晚穫多面帶冰霜何凜冽質含金玉本溫和幾番破凍嘲毛穎英銳如君也杳挖

雪

昨夜黑甜鄉不知花六出朝起看鱸峯一笑佛頭白

雪霽

滕六忽當合峯巒失舊顏恰逢三日霽還我一樓山

月夜游小雲樓

夜色清於水詩情淡入禪樹空山轉月波靜棹飛煙古佛偃塵榻生柴煮石泉年華未枯寂冬翠積諸天

題白晝山水

老去操觚手亦低妄思名與古人齊詩教稚子耕餘讀書倩荆妻續後題腕底春山追北苑心頭秋水注西溪浮生那許拋塵

耕煙草堂詩鈔

主

網得遇林巒便杖藜

爲友人仿倪雲林山水

秋山靜如我骨瘦神不疲老樹受霜露暮生清豔姿疎籬透斜照分暉及硯池青蒼作倪畫可以參陶詩

古城

萬里繞河流年年柳挂愁可憐戎馬地曾護帝王州白草長留雪黃雲不改秋時平防久撤無事取封侯

古隄

幾度懷離別斜陽十里紅筵沙爭舊路盤木受新風春草埋金鈿香泥斷玉驄六橋煙柳外猶自說蘇公

古屋

四壁仍無恙門稀車馬過春移新築戟月戀舊笙歌鼓吹池蛙

在迴翔社燕多年深如退院只欠坐彌陀

古墓

遙望北邙路青松餘幾枝衣冠前代掩忠佞一抔知宿草人無
溯秋風鬼唱詩文章終有感下馬拜陵時

古寺

西域名經在南朝寶刹頽書蕭留寺去卓錫待誰來法界辭香
雨禪房閉綠苔山深雲自冷僧佛一龕俱

古碑

赤石多青字苔封尚有痕揚殘留寺壁耕破出田原道憶林宗
渺功思峴首存千秋爭指視應恥過情言

古井

鑿飲重先民牽絲共比鄰丹砂曾助餌脂水不浮春冷落銀牀

耕煙草堂詩鈔

七

月飄零玉斨塵名韻峴山側惆悵事劉人

春日遊蘭亭

嶺含雲樹更蒼茫路轉青溪白石梁十畝新篁么鳳綠一陂春
水嫩鵝黃公因修禊留陳迹我始看山在故鄉家近蘭亭官栗
里此身何地不徜徉

章秋濤廉訪卜宅南街賦此以贈

石欹橫跨壑屋小幸依山黃犢眠花徑青猿把竹關讀書將樹
倚曳杖帶雲還不是朝參爛紅塵插足艱

游吼山

別有峭崿一洞天峯腰雲石水涓涓山半有泉調之雲石水蒼崖陡壁分
光怪紅寺孤懸隱野禪太古境從此幽討熱中人至亦蕭然盧
仝詩思關全畫兩結茲山翰墨緣

余將赴蘇州鄆雪舫亦有淮北之役謀食離鄉賦此誌感
托鉢書生瘦不支出門草木已華滋綠楊古渡新漁艇紅杏荒
村破酒旗枕上功名春夢裡馬前山水夕陽時前程莫漫居蕭
寺飯後聞鐘恐有詩

秋夜游西湖

聖湖風景四時新秋夜偏多客問津裙屐分乘雙玉舸水天同
碾雨冰輪青山影裡花圍屋黃葉聲中酒漉巾身世不知都入
書把竿猶羨釣魚人

虎邱遇謝校書

寺後秋花毓古芬寺前秋水蕩殘曠出林小閣如延月近郭空
山不受雲急管聲中忽疏磬青厓缺處補紅裙謝孃亦有真孃
韻說與生公總不聞

耕煙草堂詩鈔

古

五人墓

綠水青山地花圍五墓春從來明大義不盡讀書人

白公祠

詩人爲政亦風流香火因緣結虎邱出處如公真有福杭州三
載又蘇州

滄浪亭

俯仰匆匆七百年孤亭依舊枕寒川四圍樹滴蒼涼水一片花
飛激灑天好聽濯纓歌孺子更瞻圖像祀尋賢此間風月今成
價曾售詩人四萬錢

移居

白蘋風起綠煙波節節浮橋曲曲河米芾舟中漁婦美葛洪車
裡蠹書多夕陽影瘦扶高柳秋雨聲羸點敗荷似此幽棲好蹊

徑不兼耕讀欲如何

借查又山給諫任屋賦謝一律

吳下迴翔擇木難，鶴鷄幸托一枝安。
樓高對月權爲主，地僻吟花喜避官。
修竹拂雲風節健，明窓積水夜光寒。
偶呼儔侶開文讌，都作西園雅集看。

吳下重晤陳大雲太史卽送歸楚

幽居謝人事，叩門來故知。
審顏已蒼老，少壯曾幾時。
呼兒具雞黍，把盞就菊籬。
君登蓬山籍，忽動江漢思。
辭榮誠高蹈，買山恐無資。
對酌言未已，暮鐘出鄰祠。
薄暝歛秋色，卮月挂青松。
枝執裙，又分襜更勸酒一卮。

蘆花和查又山給諫原韻

水漾平沙似練鋪，托身蕭散未嫌孤。
蒼煙一片消仍在，涼月三

耕煙草堂詩鈔

五

更淡欲無寒，北霜高聞急管。
江南秋老認荒圖，年來鄉思頻洄溯。
不是西湖卽鑑湖。

記泊潯陽渡口，船琵琶亭下，客愁眼夢飄白，露荷堪詠，心折西風，未可鞭楊柳，早隨張敬騎芙蓉，曾對謝臨川，而今蕭瑟秋聲，館冷落天涯，又一年。

起伏寒潭落絮紛，秋光一抹鏡中分。
孤篷自卷蒼涼雨，兩岸爭飛冷淡雲。
在昔奇才曾出此，祇今窮士尙思君。
野塘古驛無人徑，相對楓林戀夕曛。

鬢點吳霜貌已非，前程合訪釣魚磯。
許看秋影臨波活，莫賺春心向陌飛。
漁婦淡妝對坐鴈，臣浮跡國相依。
禦寒人漫愁無絮，猶有如裝一毳衣。

黃谷原自楚歸吳喜晤賦贈

生平游釣健精神雅尚渾疑是晉人嵐翠撲衣雲壓帽滄浪濯
足月圍身當官鄂渚清於水歸隱虞湖喜有春一別故鄉三十

載不期車笠遇陳遵

謂芝榻中丞

甲子重逢未白頭半肩仙藥采滄洲

君有采藥圖小照

夢中白鳳騎三

島腕底青山偏九州卜築先支攤畫几立錐新得讀書樓從今
灑翰瑯嬛地不易人間萬戶侯

題屠伯洪歸禪圖

一作出塵想身心忽妙明石漱泉有路雲斷樹無聲蓮社參因
果蒲團坐太平吟情未捐棄依舊舊諸生

歲暮述懷

吹簫重入市貨廡儼柴荆歲儉幾成例田窪久廢耕湯年偏不
早郁雨轉無情徒穴神魚健謀巢窮燕輕一枝欣有托五柳自

耕煙草堂詩鈔

去

知名跌坐青圍榻臥游棹出城寒梅疏欲落飢雀凍還爭蕭寺
晨題壁秦樓夜聽箏曠懷消俗慮古拙許誰羸我慕孔文舉人
呼王晉卿壯心金戟拓悲調角弓鳴壁畫離騷艷窗飛野馬晴
破愁花陣起抑奮醉鄉平交膽方三拜狂猶賀四明鑑湖曾散
髮茂苑又飄纓友半豬肝累官仍鶴夢清空嘶千里駭虛食五
侯騎圖史摩挲在藜鹽慘淡營詩將寒士庇山喜故人行濕翠
沾吟履驚濤帶驛程吞星魚入廐馳雪天登楹挾纊迎黃襖分
釵換玉稊飯期漂母惠茶接苾翁烹原憲貧非病唐衢淚有聲
苦吟聊卒歲暖谷待春陰

約友人游山塘

四十頽唐鬢看絲花時游戲尙兒時未容我作穉中散錯被人
呼杜牧之五月水鄉衣典葛半年吟篋券如詩得君來鼓湖船

興忙煞吳孃櫓一枝

戲題鍾馗避債圖

戟髯老馗有酒癖無錢沽飲酬端節一鬼來築糟邱臺一鬼來掉廣長舌知公無馬更無裘請公暫將寶劍掣質向餘杭阿母家十分香艷金尊凸馗本科第一窮儒那知鬼計殊狡諂酪酏一醉心模糊羣鬼攘攘來索逋寒鬼挪揄熱鬼躁拉靴脫袍更搥帽馗也怒醒空奮拳鬼也轟然反大笑回道人往洞庭還騎鶴飛過終南山點金替馗償鬼債頓解窮苦開心顏問馗何以報仙德灼艾烹葵浮一白同是天涯舊酒徒輸君碧落膺仙秩仙情直等雲霄高黃金助我鎮鬼曹永辭債帥爲歡伯痛飲花天月地醪

虎邱卽景

耕煙草堂詩鈔

七

小樓層出小橋偏挂岸喬柯映水眠戢翼雨枝鶯坐柳覓鱗煙渚鷺騎蓮青衫書畫花前屋紅袖笙歌樹裡船除却江南無此景奈何頭白杜樊川

自題小像

四十躬耕力未衰樵兄漁弟偶無猜看人金殿揮毫去笑我青山荷鋤來屣底泥香芳草軟笠邊雨細杏花開非關小隱鳴高尙自顧勞生本不才

室人四十初度

四十同參妙諦禪一池圓起綠荷錢雙吟花月梁鴻廡時居蘇州偕隱湖山米芾船紙閣拈絨御補袞芸窗潑墨我凌煙漫愁中饋充無膳松屑相餐到百年

鮑魚

山厨供給乏珍羞，網到江鮮憶舊游。一尾曾分燕市騎，兩番恰買富春舟。膏黏玉箸花膚膩，鱗簇金盤雪片稠。快意更宜開酒甕，漁官兼領醉鄉侯。

湖水曲

郎住湖水曲，妾住江水頭。欲倩雙魚通一語，江水不與湖水流。江湖夢遠隔千里，春愁夜夜因寒起。郎意休輕逐落花，妾心終不離江水。

送無錫鄒季雲之官西蜀

名齊枚乘筆如椽，第一流居第二泉。又手詩曾傳白下，君著秦淮畫舫折腰官許上青天。出山快馬春蹄熱，入峽輕舟急槳懸。我欲吹簫君賣賦，途窮休讓古人先。

七夕索逋者紛至作此答之

耕煙草堂詩鈔

六

豬肝累已及諸公，塞責高談管鮑風。今後我知防逆境，古來誰創此奇窮。豈無春夢通名籍，但見秋雲補太空。上界天孫苦機杼，亦呼負負與人同。

題伽陵禮佛圖

妾未嫁夫先死，夫既死兮妾何生。黃泉之路不盈咫，妾從夫兮母又哀。寸草心切春暉來，生固不安死不可。淒風苦雨淚交墮，守貞盡孝母相左。母相左期兩全，長齋繡佛年復年。女貞一樹青參天。

西樓笛韻爲芝楣補畫鄂州八景圖

五月梅花一笛寒，清游曾記幼時歡。我驂竹馬仙騎鶴，同看天心白玉盤。

高觀山秋月

七載藏詩塢茲山間日游與君同著屐藉月更登樓雲滃真如
帳帆懸不見舟水天圖一色放筆鏡中秋

南湖漁唱

一曲滄浪一笛秋安排笮管入漁舟從君游釣南湖去五月梅
花六月裘

芝楣中丞約劉梧孫黃谷原覺阿開士同登湖海樓有詩

紀游依韻奉和

檻外江湖各自流坐看雲樹兩悠悠大臣詩思清於水七子山
光綠到樓偶借煙霞爲供養不分車笠論交游頻年憂患蘇民
困點點吳霜鬢際留

放棹探幽退食餘水天交映午晴初漁攀溪柳驚拳鷺樵捆山
花壓蹇驢島佛名從門下出覺阿吳下名諸劉郎情向觀中舒

耕煙草堂詩鈔

九

梧孫自楚來吳有三
月桃花開過了之句此游王客成圖畫補景還徵種樹書中丞
擬於

樓外開堤
補栽楊柳

題何竹齋司馬方外小像

跌坐承松蔭心如月印潭掃花封筆冢厝火鍊茶龕儒釋中年
一苔岑益友三萬家會喚佛善政在江南

談禪揮玉塵瀟灑一林秋蓬戶貧原憲牙籤富鄴侯君藏書
最富笠

飄涼月暗杖撥野雲流貌得支郎相清癯未白頭

宦拙無餘俸呼舟讀禮歸心原懷止足年各近知非未樹龍岡
表先傳聖善徽同增風木感不忍典萊衣

傑閣曾名快青山尙姓何鶯花春選展鰓菜艇飛梭課子搏雲
翻呼農給雨蓑此中許棲遁耕讀亦殊科

游洞庭山

張帆游笠澤身世水天寬對畫搜異宰將詩發古歡樽邊雲滃
酒鷁首雨淋餐遠縱湖西日青螺養玉盤
一聲鐘入定四顧翠陰環到此心如月却忘身在山肥泥吞屐
齒粗雨破花顏步步探幽窻呼舟待夕還
湖青無暝色七十二峰秋嶺曲藏官舍松陰結寺樓僧歸雲伴
宿鳥過樹攀留追慕鴟夷子功成辦隱舟

游虞山

呼舟入琴川臨風懷虞仲茲山亦方壺斯人鳴孤鳳一角占海
隅風高煙嵐凍左鄰結大江古今兩帆送時清逢唐虞寺古留
梁宋百雉截半山財土供世用靜喧邨郭分蒼翠一氣貢兩邑
七叢林枕山同入夢夕陽映禪扉僧歸白雲從留我待曉吟日
出扶桑甕

耕煙草堂詩鈔

辛

泊舟京口

月湧江天午濤聲夜更驕雲山原習靜人物自煩囂茗煮中泠
水柴呼北固樵全家憑一葉風景漫蕭蕭

渡江至瓜州

一片寒帆出潤州茫茫雲水鴈橫秋青山也愛江南好不渡淮
西送客舟

瓜州道中

江南棹江北一夕判仙凡兵堡支民柝官旗補客帆入關搜旅
橐投刺笑吟衫末路心猶壯霜花拂劍函

揚州

帆從北去水南流莫辨雷塘土一邨十六年前曾曠棹蕪城螢
火不知秋

青絲曲

廣陵有女名青絲絕世聰明絕代姿生來命比桃花薄誤入豪門爲侍兒碧玉已歸沙叱利黃金誰贖蔡文姬花前再拜別無求願向窮途嫁阮修主人怒擊唾壺碎同伴吳娘忽楚囚此際神飛蘇小墓此時聲咽綠珠樓頭倚檻多紅袖玉泣珠啼隨月走孤鴈悲鳴一笛秋出門便是邗江口江邊種滿並頭花花底鶯鶯生有涯但聞商婦琵琶淚那有鴟夷泛水槎手把花枝泪如綫香魂已墮玉鈎斜可憐一片玉芙蓉葬入無情逝水中至今鳳泊鸞飄處歲歲江花慘不紅

崇川州署神桑歌

一州斗大居水濱一樹沃若名曰神春秋綠起萬重浪翠蚪舞動滄溟雲雲停風淨月孤白臆外琅山五峯出山峯壁立高千

耕煙草堂詩鈔

五

尋此樹橫柯亦百尺年深盤錯官舍旁蠶食不到靈潛藏冰霜飽歷成大器童童如蓋青霄張君不聞鞠躬盡瘁漢武鄉手種八百成都桑培之守之勿剪伐千古名如召伯棠

登紫琅山

長淮東下無奇峰紫琅突起撐青空旁列四峰亦奇特一覽五嶽羅心胸面江背海坐翠壤山與春光共駘蕩有人肩衣踵頂來如蟻拏花綠壁上上有支雲一塔懸孤標下有穿江一洞飛碎綃鯨鯤與鵬鶚至此氣不驕俯看仰視而平揖尺吳寸楚列層睫楚江乃吾游釣鄉吳山亦吾翰墨場飢來有幸驅崇川得與五峯相盤旋一峯駐軍一淬劍劍氣軍容燭天慙昔時爲盜藪今日爲仙梵世平勿慮孫盧潛吾輩清游山不厭歸來陟麓更懷古兩杯尙有唐宋土詞客墳前花雨香

驛省

將軍金將墓

上松風怒怪底此間山水衆妙該乃知經文緯武有奇才始共
名山久不衰

清江浦

地近長安雨露濃車如流水馬如龍桃花竹箭金隄外挽粟牙
橋峭似峰

下相書項王廟壁

待人仁敬用人疏衣繡思歸霸業虛一炬秦宮三月火快心聊
以報燒書

馮竹生春暮懷人圖

渡頭春水流紅馬陵突起馱背峰極目天涯幾千里故人一
一來心中三年文字交金石瓠子湖邊數晨夕搗來揮手到臨
歧一片青山動離色我亦是君圖裏客

耕煙草堂詩鈔

五

己亥五月李春生太守賃抱綠漁莊作消夏會名高北海
宴盛南皮居山明水秀之鄉推襟送抱來紅袖青衫之
舫游目騁懷仙乎信然賢者樂此爰賦四律以證雪鴻
云

背山樓起綠陰中曲水穿橋畫舸通打槳翠飛蘋葉雨解衣香
透藕花風北窗許臥陶元亮團扇爭摹陸放翁消受晚涼瓜飲
好玉壺沾酒滴珠紅

曲榭玲瓏漾碧漪卜居心跡古人知一方璧月生公石三畝鄰
園自傳祠聒耳午蟬鳴柳市梳翎涼鷺浴花池蕭然自得棲遲
樂廉讓中閨歲不飢

象管鵝笙子夜歌爭呼燈舫載吳娥層層錦浪噴銀漢點點華
星射綠波酒地詩狂君杜牧情天禪悅我維摩回看五十三參

上月傍青山缺處過

十載姑蘇兩鬢斑浪傳治習未能刪倚聲絕少張三影舞曲猶多謝阿蠻金粉地留鴻跡暫青衫人守蠹書間自知瘦不因詩苦一笑偏逢飯顛山

自蘇杭回里舟中雜詠

一橋橫跨太湖梢紅雨青衫放晚橈舟女歌詩如度曲惜無人爲我吹簫

兩年山未拓篷看老去吟懷強自寬十里一橋河漸直已知鄉路近臨安

春暖湖隄舊酒樓才人到此輒勾留鳳凰山峻朝廷小夕照蘄王策蹇游

南渡滄桑一刹那六橋煙柳尙婆婆平章軍國蟲天裏宰相沙

耕煙草堂詩鈔

隄蟋蟀多

渡江無數翠雲鬟坐個烏篷載月還一笑到門呼蠟屐明朝先訪鮑郎山

身世居然入畫圖耕田識字一農夫夢中博士新承詔管領蓮花治鑑湖

伯兄廉政得民情楊震辭金豈博名三捧除書膺五馬看山青到夜郎城

宦游萬里人纔緩春草池塘夢欲飛一佩郡符詩更好龍家傳唱繡弓衣

洞庭湖

觀水若非海此湖應獨雄秋空涵象緯春漲浴鴻濛天際帆銜日寺前鐘叩風登樓恢眼界高詠浣花翁

除夕登岳陽樓

一城冬翠雪中斑人世難逢歲暮閒避債今年真得計岳陽樓
上看君山

秦人洞

耕鑿仙蹤久隔塵豈期邂逅武陵人相逢老我方知晉驟至疑
君也避秦案有未焚書可讀門無投刺客來詢從今萬里城何
在賸得桃源一洞春

辰州道中

石如列戟水如環水石相投欲破屣陡點一篙分白浪絕無雨
岸不青山榜人冒雪猶淋汗估客終朝未解顏漫道順流船激
矢下灘更比上灘艱

由辰州遵陸至松桃晤楊軍門芳卽席口占

耕煙草堂詩鈔

五

江湖三月舟爲宅又據吟鞍入蓼皋花乾寒從峰背設柳營兵
向嶺頭操地無沃土雲根湛山有春畦麥浪高馬上相逢老儒
將款留玉帳舞弓刀

楊軍門惠君山茶

湘江三尺水淨染君山綠君山綠不衰秀色鍾草木我過岳陽
樓絕景久遐矚但見一畫青界破萬頃玉渾含元氣深產此靈
芽獨將軍韜畧精兼參茶理熟獵山得春腴養到雲液足惠我
雙瓦瓶烹泉出清馥分公燕寢香布我松下屋

和伯兄雨後看山元韻

雨洗煙鬟向客青蠻疆生計漸歸真執筐解蓄吾鄉爾賣劍來
耕戰地春嶺上拂雲松屨帽寺傍燒筍竹圍身宦游到此奚囊
富西蜀南湘兩結鄰

松桃春多子規絕無鶯聲和伯兄韻

草長山南又水南一春花柳雨中含聽來謝豹聲懸樹想到黃
鸝手剝柑書案琴尊拊日聚畫船簫鼓盛年耽此間況有首娛
耳蘆管雙吹跳月酣

苗女舞刀歌

乍據吟鞍入松桃馬如退鵝鞭支篙峻巖黑箐幽晦谷紅犴烏
鸞相喧嘈憑山結寨雜貧富亦解耕耨亦織綃日逢子午曰趕
集賓布竿酒質城郊中有一女跨細馬嚶嚶鳥語梨花嬌銀圈
層套螭螭領短裙窄襖雲錦毀技藝不獨蘆吹月柔荑手能舞
寶刀整鬢攘袖腰繫綠人前拔鞘頭顱高地形圓縮絙圍界一
軒一輕風腥臊忽如銀鱗盤枯樹忽如雪虬縱秋濤渾身明月
光團結撒手放出雲千條收雲迴颿飛匹練玉虹一道懸青霄

耕煙草堂詩鈔

五

觀者如堵色沮喪衲品瑩更勝鷓鴣膏用剛含柔鋒干莫我欲
買之贈英豪刺讒詰屈賦利劍不律應讓昌黎操

文蔚園廣文招飲卽席口占

坐來王客兩悠然雨後山光綠到筵箸下菜同雲並嚼牀頭書
與屋相連地偏尚可爲元亮官冷何妨作鄭虔莫道盤飧少兼
味太烹苜蓿小烹鮮

和伯兄禱晴有驗元韻

一片晴曦透遠峰襟懷蕭爽眼惺忪山來繞郭青無恙樹去沿
村綠更濃攤飯船頭漁夢穩踏花陌上馬蹄鬆桔椽如級田如
郵人未歸農且課農

寄懷李春生太守

乞奏烏私達帝京歸裝薄笨一車輕郡人爭戀朱暉德塞草都

知李絳名

詔許承歡依白髮詩成何處擲金聲五花馬首三峯月

君從隴西告養

歸無生計寸心道家有湖山且散愁鶯脰秋飛蕤菜艇虎邱春
眺杏花樓愛才我獨蒙青眼解組人難未白頭昨歲此時莊抱
綠與君同聽拍涼州

病中和伯兄病起元韻

五十同參五味禪修心未飲宅心泉定龕把卷消清晝買藥銜
恩亦俸錢舌未生蓮何苦苦腹無多字亦便便病魔甫退詩魔
進齊奏塤篪破瘴煙

和伯兄旅次元韻

地瘠艱生計客心到此秋水多非與府山偶見簪頭繡土花難

耕煙草堂詩鈔

三

識參雲樹自幽不應空翠裏猶有暑氛留

千鈞憑一髮曳舸上灘時石轉水猶勁柁回山若移正襟危坐
想垂暮險遊遲面作恒河皺蒼茫自詠詩

松桃中秋

玉宇晶瑩夜正涼蒼然秋色入巖疆四時風起憐今夕萬里天
倫聚異鄉桂市飛觴原馥郁蘆笙吹月亦悠揚無多好景娛心
目一段雲羅袖隔女牆

和伯兄感事元韻

一片銀河洗甲秋陳雲忽起海西頭跳梁逞技違賓服專閫提
兵愼王謀破敵未聞擣鱗穴衛民先已廢麟州天朝柔遠多恩
術漫對商颯賦客愁

登河瀾閣

羣峰雲裏骨一水鏡中秋家國均無補溪山亦媿游親朋成散
兩身世托扁舟漫作王尼歎且登百尺樓

飛山宮

風林聲嘯出鐘樓款步閒尋古寺幽樹裏平橋三尺沼雨中破
屋幾逢秋飛來老將如山健馴服南蠻似水柔一瓣心香答神
貺全家羈旅在邊州

和伯兄青山行

天無三日晴地無三里平吾聞此諺語懶作看山行今者居講
室借居松
桃書院四山圍一庭坐亦依蒼嶂臥亦對翠屏絕似洪谷子

谷劈多奇形却非倪高士簡淡含遠青以山參畫理以詩寫山
情詩真不嫌瘦山好不知名詩隨雲舒卷山隨筆縱橫詩筆一
以擲咄哉萬山鷹

立冬

耕煙草堂詩鈔

七

不周風至凍雲偏溪水將冰補釣船籬下菊彫無淡友嶺頭梅
放有癯仙避繪寒鴈投來瘦釋負疲驢喚不前瘴雨蕭蕭天漠
漠一燈山館夜如年

和伯兄焦溪道中元韻

勞足草草鬢星星二十年來足未停雙槩風濤一鞭月倦游歸
夢晉蘭亭

旅游心境發詩葩歲晚猶看道上花樹樹山茶開似雪蓬鬆蠻
女折呼耶

健伸腰脚踏邊塵怪石奇峰眼界新我自尋詩來酒市旁觀疑
是趕場人

玉屏縣

楚山青未割送過玉屏城兄弟聯雙騎馳瀕第一程灘多聲若
貫峰峻陟來平爲問雲何意隨人亦遠行

飛雲巖

無心之雲善糾縷點頭之石垂瘦瘠天使撮合爲山邛雪皮石
骨森清秋我聞此山來幽討山外夕陽紅更好神清骨冷一凝
眸身世居然入蓬島石忽透漏雲開張老松古柏參霄長玉虹
一道穿石梁會合衆流奔蠻鄉蠻鄉鑿山築田埂宛似綠荷鋪
萬頃山攢雲石亦如蓮太華峰頭開玉井玉井花招神仙來洞
中新葺金銀臺作詩紀游無奇才落筆草草僧無哈僧請此山
藏吾集雲爲舒卷石離立千尋巨石萬朵雲冷翠空蒼千古溼
李賀少年拏不勝米顛見必三千揖

清平道中遇雨

耕煙草堂詩鈔

天

盤崖去金筑竟遇十日晴晨興而暮歇馬羸不辭征雲物山腰
起樹若空中生雨忽急於箭風亦利於兵束身入竹輿龜定參
上乘坐關與行脚王僕皆如僧

響琴峽

兩崖逼成峽東月一弦勁石澗花花鳴噴泉高九仞峽以綠綺
名或靜行人性出峽路少竟跬步心猶競回首陰森峰峰若
排攢前途山又來振衣努力進

牟珠洞

昔聞牟珠洞垂象皆天然今入貴定縣蒲牢鳴馬前一觀衆山
起四蹠破蒼煙山僧導入寺擎火燭洞天神工森光怪特爲荒
山妍此境置吳越不斷裙屐仙

題王蘭上竹裏館圖

華子岡頭月正圓
修篔簹灑水淪漣不煩折簡招裴迪
我已題詩到輞川

貴陽旅次述懷

負書營薄產歲月又他鄉
客地何閒曠吾生漸老蒼
憂添商陸火術味羨門方百慮知無益
將詩錄寸長
僻居春不見春已在門庭
柳綻千絲綠山攢一朵青
治筵盤菜甲分酒犒畦丁
更有天然趣松梅到畫屏
文物歸滄樸何期見在黔
鵲衣賢者服靈簡古人心
峰亂雲分路山荒鳥覓林
五陵裘馬子到此不揮金
五十疏聞達龍鍾齒動搖
衫輕非短後米輒不長腰
花插庚晴荷書檠午夜挑
鄉音七千里烽火未全消

除夕

耕煙草堂詩鈔

无

山館清樹饒臘酷看人瘠地打灰堆
客經吳下歎都賣詩到黔南瘴又來
青悶字翻增逸趣送窮鬼亦避奇才
暫拋經史新衣履年已知非性尙孩

游范園

築成金筑小丹邱
傍郭臨村足騁游
屋後有山心蘊藉
門前無市耳清幽
曾攀華月飛銀盞
好約春風住畫樓
怪底昨宵殘夢裏
一鈴花雨在蘇州

扶風山

雲裏青螺漾碧霄
何年峯半拓僧寮
蓄來煙水池三尺
寺頂有泉鑿成
方扶上春風路
一條佛藉莊嚴開
法界山分紫翠入
詩瓢離離積棘層層石
着屐巒荒蠟易消

雪崖洞

回道人仙跡

橋臥長虹郭枕流邊城忽地現丹卽溪山秀奪杭三竺酒笛名
垂楚兩樓洞裏有天非魏晉人間好夢是公侯我無大願分仙
術五嶽今須辟穀游

渡富水河至甲秀樓

一樓突兀兩橋平落日蒼茫動古情漢相武功超管樂驛官文
化繼朱程水流瘠地猶稱富山入邊州不近名分岸閒尋春冷
暖白雲蕭寺綠楊城

題白畫四時山水

我畫欲仿趙松雪寫出春山圖第一年春向江南詩今年春
從黔南得得遇春風如故交班荆一笑巒花嬌刺藜香艷蘆管
脆別有風趣生詩瓢入詩頗雅入畫俗依舊寫吾青溪曲一竿
生計謀水濱桃雨含紅柳煙綠檝頭船是漁人屋

耕煙草堂詩鈔

三

我畫欲仿董北苑寫作夏山圖第二雨雲沈着晴雲飛一峯忽
現一峯私意匠所到不律隨得毋巧爲化工忌點蒼誠許修吾
名萬里苦游亦快意南皮盛夏不可求北窻高臥殊難企三尺
紅藤十萬山青鞋布襪從今置

秋山黃子久撫作圖第三余生也晚未師事動多滯筆中心慚
麓臺司農得神髓如白學杜非形似永州太守王蓬心傳君筆
法亦稱是君秉川岳以畫名邱壑皆從曾臆生一川碎石都磊
落一山秋骨殊峻嶒老樹欹斜茅屋破終年那有輪蹄過他日
卜隱如茲山樵兒歡喜漁弟賀

冬山米南宮撫作圖第四幾株老樹瘠於柴一片同雲厚且賸
君曾治產任丹徒把筆常作雲山圖有時雲山雨莫辨神妙轉
在形模糊今以君法寫滕六玉潔珠光眩人目袁安閉門高臥

時子猷正泛剡溪曲我亦家住在山陰頭已如雪腰無金鑑湖
歸許徵臣乞歌詠

唐虞歲月深

憶舊游四首

揚州

舊游何處最魂消草長鶯飛廿四橋大塊文章金谷酒小樓春
雨玉人簫門多荷氏趨如鴛榻臥楊妃嬾似貓一自鴟絃翻故
曲二分明月亦無聊

金陵

回思朋舊話寒暄紅雨青山白下門拈韻花開江令宅彈棊月
滿謝公墩丁簾歌板成仙曲子夜吟衫賸酒痕可奈秦河魚大
上玉樓人半水田村

耕煙草堂詩鈔

三

蘇州

踏青時節賣陽天斟酌橋頭隊隊仙煙樹樓臺春夢裏湖山風
月酒懷邊歲逢飢饉猶輸課人享繁華不計年聞道白公祠畔
柳一隄錦纜繫漁船

杭州

六橋三竺兩浮屠一幅天然設色圖裙屐春風猶北里兜牟雪
夜渡西湖出師原挾平巒策齋盜偏分儉歲租
湯網豈憂鱗穴浪多應助虐有孫盧

登朗岱東山和伯兄用東坡定慧院韻

山重路複深復深溼翠濛濛晝同夜闌疆拓地始百年神功乃
從鬼方下黑雲不動白雲飛雲飛直與泉爭瀉雲忽扶樹出平
岡離天尺五一峰亞森森骨立五掌中一枝筆向斗垣借筆已

詰屈強如韓山亦崔嵬冒姓謝不聞絲竹有清音入林大可謀
僧舍少年干雲志不堅老境那能甜於蔗坎坳境兼崎嶇山履
險如夷亦可怕但期誅茅心太平狂吟不畏山膏罵

明岱端午和伯兄韻

臥不離山夢亦涼地偏心靜日初長飽餐紅飯充詩腹地產稗
足青蚨買醉鄉明岱買日易錢秤分量兩斗室分榆柳蔭一軍持浸藕花香
晚來幽景城西好陌柳梳風漏夕陽

雲松歌

雲來山活松亦走雲起山空松亦守松本天矯如蒼龍雲何變
幻如蒼狗雲忽破碎松團結松欲內入雲外出雲又成片橫松
林松亦飛濤堆雲窟有人曳杖看雲松衣飄袂舉生清風風送
雲歸松骨冷盤枝縱幹斜陽中一山開徧金芙蓉

耕煙草堂詩鈔

三

重九登東山和伯兄元韻

役車言邁不言還薄宦身心未許閒逢節客先憂白髮入邊詩
可贈青山酒濃人淡何曾醉秋老花新一解顏回憶江南臨水
路家家烏柏雨中斑

一泫寒碧洗詩囊跌坐聯吟古寺旁天許楓林榮晚節人憐秋
色淡殊方無田興免催租敗有菊歸堪就徑荒地領東山兄作
掌不宜絲竹且壺觴

耕煙草堂詩鈔卷二

山陰平 疇種瑤

和張次蘭司馬感秋元韻

隔籬漁火點寒汀，疑是蕪城水面螢。
旅舍秋風終夜怒，老年春夢片時醒。
峰高岸曠星辰大地瘠，扶筇草石零寄跡天涯岑寂。
好不聞剝啄，戶常扃。

黃金爲印玉爲珂，劍戟林中馬勒坡。
代有功勳生李郭，世爭文字只陰何。
和戎一疏誰籌筆，待旦三軍免枕戈。
鱸鯉竄江猶漏網，杜陵忠憤人秋多。

心傳家學出扶風，詩律偏從宦後工。
玉鑑光中修月手，烏紗隊裡信天翁。
分糧朝餉三秋鶴，退食宵聞四壁蟲。
作吏廿年貧似我，一囊書劍百夫雄。

耕煙草堂詩鈔

一

秋來聞雁盼鄉音，寇入江南縱未擒。
事有如君金石論，詩多寫我弟兄心。
烏蒙山下紅畬稔，鐵壘城邊黑燼深。
挾策英雄悲草莽，不知梁父是誰吟。

題自畫山水雜詩

吟身高置綠陰環，鐵甕城頭記往還。
春雨來時雲潑墨，隔江都是米家山。

一橋橫臥水雲邊，夕照空江樹影圓。
萬頃玻璃風不翦，倒垂石壁掛青天。

西溪垂柳綠生煙，跌蕩湖山憶少年。
射雉歸來剛繫馬，釣魚又上總宜船。

冰華世界翠雲浮，風景依然鬢已秋。
三萬頃湖峰七十片，帆曾載玉人游。

選屐來尋洞壑幽白雲與我兩悠悠溪寒樹老山清瘦未必仙人不感秋

九峰三泖記東游霜葉如花豔暮秋名爵未邀歸未得尊鱸輸與季鷹舟

曾脫征衫挂庾樓廬山煙雨醉吟眸重來惹得匡君笑俠少年今也白頭

浪跡天涯罕讀書舊遊何處可爲漁曾停西塞山前棹飽看桃花買鱖魚

友人惠佛手柑

拈花會一笑證果亦三生落落如吾道拳拳見故人參雲依慧日售世墮凡塵玉質金相貴何須論屈伸

辛丑冬同人作消寒會於朗岱郡齋

耕煙草堂詩鈔

二

亞歲辛盤一借春更番爲主更爲賓故鄉士卒方鞍塚斯土人文久樸酒闌擁青山晴雪贖座圍丹鼎暖雲披解憂惟有杜康酒射覆猜花不厭頻

地偏風勁凍雲低官舍旁多豆菜畦六日趁墟逢子午兩山分峙列東西抱枝野雀冰爲柱踏屋鄰雞瓦作梯好景入詩杯在手瓊鑪曾勝辟寒犀

斗膽奇文未送窮漫誇硬語尙盤空租驢踏雪頻書券放鶴沖霄一啟籠壯日清華師謝朓老年怪癖避盧仝坐中倘有關西漢高唱東坡曲最工

五十初度

五十蒼顏尙布衣枉知四十九年非又看春事隨流水漸覺秋山戀夕暉湖海氣多荒宿學利名心切損天機才華磨盡餘憂

患何處垂綸守釣磯

摩泥道中

山程駐馬飯田家屋矮籬圓徑不斜門外綠鋪鳩喚雨岩前紅
墜蝶馱花治生有道輸農業舉室無憂享物華稚子掘蔬娃剝
筍款人風味亦清奢

過丙灘

亂石橫流濺雪寒林疏日落鳥聲殘一川乍漲逢庚汛十漿齊
搖下丙灘紅樹白雲仙境界綠蓑青笠隱衣冠吾生亦有回頭
岸只欠耕桑數畝寬

和伯兄紹城來鶴詩

曾聽仙樓一笛風謀巢遲向碧霄柳棲來荒徼原如寄騎上揚
州便不同俊逸六朝人賦汝浪遊萬里我成翁偶開松牖聞嘹

耕煙草堂詩鈔

三

唳大佛山青月正東

伯兄任仁懷廳有鶴來依引退後有老民以杖相贈悉記
於詩余和一律

解組蠻荒去志殷歸裝卽事亦多欣輕舟載月鳴仙驥峻嶺吟
花拄鐵君閒挂百錢春可買遠羈萬里俸曾分從今共泛山陰
棹鶴贈樵風杖撥雲

畱別黔中諸友

忽從鰓部出夔關喜卷詩書手不開贏得異鄉新白髮歸看故
里舊青山諸公吟屐蠻煙裏賤子春帆漢水間楊柳曉風花夜
月江平如鏡唱刀環

同伯兄季弟及姪輩由仁懷廳至重慶曾舟東下

同麾吟袖脫邊塵來向巴渝問去津十二峰前黃草峽七千里

外白頭入入川地縮形偏勝懷古詩愁意不新老幼弟昆聯大
被一篷花雨一江春

萬縣道中

古寺跨山澗風微閃佛幢濃雲蒸遠岫疏雨點平江老欠蠶叢
路歸乘錦水艘晚來聞鼓笛巴曲奏篷窗

夢游南陵山

一百八盤南陵顛叩鑲閭闔呼羣仙翠旌黃錢列天仗稽首玉
皇香案前臣年五十頭已白官未受祿家無田燕齊吳皖楚黔
蜀擔簦歷偏名山川詩仍不工窮愈甚人無所忌天應憐上帝
笑曰吾語汝汝腹雖無字三千有時苦思得天籟落筆亦奪造
化權治兵作史兩未就杜紫微與李青蓮志意不以先輩戒氣
岸汝自遭逆邇好奇慎毋草太元用世急讀陰符篇雲爲車兮

耕煙草堂詩鈔

四

風爲馬駕汝穩步下青天白鹽赤甲兩交臂春袍一領雲霞煙
天鷄啼破游山夢纜解瞿塘峽口船

入陳積

江口屯貔虎環依白帝城橫流雲布陳禦敵石爲兵月送雕弓
影風馳戰馬聲一身兼將相經濟出精誠

夔州解維卽日至巴東

錦浪桃花暖白鷗春帆如雷過夔州不聞猿嘯穿三峽垂老天
涯補壯游

歸州

回首峰攢灑瀨堆岷山灘急走晴雷樹邊路繞羊腸險巖頂雲
從鳥道開出峽地猶夔子國環城山建楚王臺解維七日三千
里一笑帆真天際來

下新灘

有葉而無新有新而無葉吾聽榜人言曉放新灘艤人作壁上
觀舟打水中獵一縱萬弩秋一折半規月面石掠駝峰駕浪撼
蛟窟青山忽橫飛赤岸若卷摺天地爲低昂智勇都困竭舵工
毛髮森客子心膽裂俄頃脫險來鷁向沙頭突蜀道古今難人
犯無消歇家有二頃田慎毋輕跋涉

維舟宜昌贈陳西橋大守

夜纜萊公樹栢鄉朝開帆已入宜昌詩人典郡清如許爾雅臺
邊柳數行

上巳舟泊荊州沙市

從來形勝感滄桑臺沒章華草亦荒今我停帆逢上巳古人落
帽宴重陽江多賈舶留沙市地足耕犁富水鄉九十九洲春漲

耕煙草堂詩鈔

五

關鷗偏安穩不謀糧

郝穴守風

正欲馳帆向漢東江雲江霧忽迷濛家山迢遞吟兼夢客路向
留雨又風上阪儘妻花綴笠歸舟漁父笛撐篷買鮮味佐行廚
美丙穴魚游郝穴中

重經武昌登黃鶴樓

鼓角吹昏曉山川厭送迎大江流更急一劍學無成味道懷先
輩修名畏後生登樓揩老眼雲樹尙分明

小孤山

峰峭凌銀漢江晴起翠濤千盤雲裏髻一樹鏡中桃坎德因風
險坤名傍月高春宵吟絕頂星斗趁揮毫

廢寺

寺破山荒古木陰不聞鐘磬出禪林
佛頭蝠糞香臺草秋雨秋風菊布金

重客蘇州

挂帆春雨駐帆秋
添我新詩紀舊游
萬里歸來山未買
又貪肥膩客蘇州

靈巖山懷古

萬壑松濤洗耳寒
館娃宮趾賸林巒
巖浮塔影層雲活
樹漏湖光一掌寬
花木今爲禪悅盛
笙歌曩助水嬉歡
山川錦繡金湯固
讎屨人開破碎端

木瀆潛園

內藏仙境外人寰
園徑幽通曲巷間
樹老撐霄見孤直
石欹補竹合疏頭
半溪香水門前沼
一塔靈巖屋背山
邱壑不多氣蒼

耕煙草堂詩鈔

六

古春秋裙屐滿柴關

端園

扁舟曾泛跨塘春
捧檄重來白髮新
拙宦不才忝作長名園
依水好垂綸
一樓特起山迎面
三徑環通樹繞身
門外玉驄河畔舫
俊游疑半六朝人

山塘卽景

江南無地不繁華
春入桐橋夢也奢
七里鶯花詩世界
一湖風月酒生涯
垂楊綠覆隄邊艇
老杏紅分樹裏家
細語隔樓渾莫辨
似教鸚鵡喚琵琶

賈樓夜眺

五色晴雲膩碧空
吹簫人倚玉樓東
春城柳鎖千家月
煙渚花飛一棹風
水底獅鬚鷗似鶴
鏡中舞影燕如鴻
江南好信憑君

記鍊字爲珠詠未工

劉園

綺園贏得卯金名
雨後人歸鳥語晴
楊柳依依花眷眷
爲誰留戀此春情

青浦憑虛眺遠樓

人境結梵宇
寺樓接太清
園敞陋邛壑
花稀疏燕鶯
物我皆習靜
坐對生妙明
九峰織於笳
三泖掬浮馨
冷翠浮佛頂
暮煙墮鐘聲
地曠月爲主
天低雲有情
人文徵斯土
先哲各厲名
思鱸慕張翰
聞鶴悲士衡
壯志與晚節
百慮輸一誠
我欲結蓮社
遠公期再生

白牡丹

國色何如本色真
相看擬約素心人
踏波湘女娟娟月
傅粉何

耕煙草堂詩鈔

七

耶面面春珠
滴銀盤承曉露
雨淋綃幕逗香塵
已知桃李慚穠糝
其奈醱醱漸結鄰

苦雨

長書陰霾慘不開
誰知災象隔年胎
梅花香裏都無雪
臘鼓聲中却有雷
鷗逐煙波眠驛路
馬思晴蕨齧山隈
樓懸樹杪炊懸釜
撥刺游鱗入檻來

漫興

小樓風雨讀莊騷
藻夏陰寒尚縵袍
黃卷案前燈影瘦
綠蓑江上笛聲高
貧儒春意千金賦
老將秋心百鍊刀
島寇未平年穀儉
扁舟生計武陵桃

卅年磨盡輪蹄鐵
射鴨功名未許叨
壯聽雞聲歌客舍
老勤蛾術課兒曹
裁詩會答蓮花伎
就宴先辭竹葉醪
興漸頽唐情漸

薄布衣三教學陳陶

霪雨謠

女媧鍊石補天漏漏處年湮石或瘦風雨旁傾吳越荒米珠不
入哀鴻口蟻封穴鼠巢林銀鱗入廐黑螟潛闈家室漂搖田廢
耕人人杞國歎歎聲汲黯粟鄭俠圖庚癸爭向東南呼民瘼猶
待天心蘇嗟余射鴨手而無印懸時食祿半年不盈斗眼大心
雄氣不揚讀書讀律雙亡羊吟詩諷世宵短雨長蘭膏未燼東
方白手執毛錐不量力欲效五丁鞭陽石

久雨遣懷和伯兄元韻

詩被催成雨不休經旬瓜蔓入城流三庚尚洩秧田水四野如
防瓠子秋茅舍久無明月照蒲帆空待夕陽收邑荒米貴先增
價清獻當年治越州

耕煙草堂詩鈔

八

初秋抱恙卽愈詩以遣興

人事牽煩憂求閒病亦可冰炭置胸中身爲炎涼挫呼兒束荆
薪微屑藥爐火摩詰羸不疲卷簾當花坐靜參鼻功德香聞午
炊餓老妻勸少餐半盞薄粥稗一飲勝瓊漿脫却二豎禍薄暝
步中庭藕花殘未墜涼雨淥心神不畏秋暑播

青溪道中

南風無力涸西疇農免輸糧尚鬻牛四境人餐鸚鵡粒近因米貴人多
食一城官典鷓鴣裘江聲直入山中寺帆影平臨樹杪樓幾個
鴈臣游澤國蘆花漂蕩浪花秋

鬻牛行

爾牛脫尾我牛截角秃尾之牛疲尚耕截角之牛鬻受剝昨年
典牛輸官租今年當牛潤私橐非爲潤橐逢水硯人將與牛填

溝壑牛出門鞭不行牛跪人前淚雙落牛淚未枯人淚亦墮家
無宿糧人啼飢野無青草牛受餓杏花郵裏多牛翁牛闌豕圈
倉箱黽鬻汝吾生汝有功汝去事翁性莫慵君不見隄崩殍裂
波飄棺宛如浪與江豚搏惡凶壯匪嘯出林獍頭鼠目烏鳶心
奪牛宰入鑊劈棺燒爲薪擒屍葬水滄鬼滅燐嗚呼鬼亦遭劫
牛烹魚陰雲慘結水腥臊四野哀鴻永夕號

梅花

山小屋小月周遭隔岸人呼載鶴舸花到如君孤且潔緣何未
采入離騷

探梅至跨塘

松篁十畝屋三間載鶴尋梅向夕還兩槩殘曛寒碧沼一村晴
雪粉紅山探幽偶結煙霞侶頤性難逢歲月閒老惜寸陰心力

耕煙草堂詩鈔

九

拙悔輕軒冕在朱顏

詠藕花

雪藕在泥中露荷出水紅與君同一本尊衰不相逢

重游上海

重艤申江棹迢迢二十年夷樓環雉堞賈舶利鯨川烽靖消金
甲花深拾翠鈿曩時歌管地春雨早芊芊

刲臂圖

貴州大定譚明經原配張孺人

烏蒙之山富松柏烏蒙之家多榮戟才人輩出名媛生張孺人
配譚明經于歸生子子不育爲夫納妾嗣可續閨內雍容無閒
言三黨人俱稱賢淑奈何二豎祟不仁夫病不獨憂采薪情醫
旣罔效禱佛亦無靈以身籲天報所天默告焚香踞庭前修眉
不展雲鬢彈霜又一揮玉臂破剝肉和丸進一甌妾誠瀝血夫

病瘵夫病瘵妾願酬妾身雖瘵妾心忤雨斷風零傷奉倩德言
容工生前滅封痕血跡身後見嗚呼忠臣事君烈婦事夫身既
不知其自有騰天入淵皆坦途

課子圖

大定洪雲州太守次姊遼宋儒士節孝徵詩

大定洪孺人不櫛稱進士于歸佐學夫下帷朝辦齋鹽暮經史
安居陋巷不慮貧舉棧梁孟敬如賓豈期夫踐玉樓召中道分
飛悲苦辛夫沒妾存生猶死相從泉路不盈咫死者已矣生奈
何顧此熒熒兒女子報夫瞑目惟存孤白頭一心誓不辜妾身
兼師復兼父教有經傳養無租夫家飢寒不自給挈兒女就母
家食母家貧亦同原思茹荼飲藥勤紡績霜風颯颯吹老屋一
燈如豆寒光綠節母織機夜不停孤兒把卷宵猶讀於今忽忽
二十年婚嫁事完婦職全子以國學應鄉舉折桂簪杏拾芥然
兒有賢譽母聖善請旌於朝荷榮典弟爲太守官江南續圖
徵詩徧滿冕君不見共姜守志歌柏舟歐母畫荻名千秋家傳
節孝徵榮貴會造文章五鳳樓

和沈曉滄司馬見贈原韻

車笠交游固于今二十年家貧官不潤腰瘦腹猶便重叙來申
浦免乘訪戴船多情君勝我舊話語纏綿

憶君分鶴俸贖我入邊州峽逼灘驚險峰高不解愁蠻鄉徵勁
旅鱗穴鼓兵舟別後頻聞警投鞭未斷流

江南老儒吏載鶴更攜琴春意胸中滿秋霜鬢際侵政從經史
出詩向水雲尋物外稱司馬人知雅集深

舊合爲山長甄陶士論公執經新弟子騎竹昔兒童標鑑雲無
翳撈珠海亦窮雞林知白傅名與古賢同

硯詩

種瑤老農愚癡迨窮不受餓仗硯爲田侶琴儔劍跋山涉川
相依如命道根世緣鍊此片石補我天生

興兒痘殤瘞於吳下獅山之南悲不能止作歌記之

壯年生子子旣亡

余長子增秀生於鄂州四歲痘殤

老年生子子又殤愧吾無

兒稱伯道慰吾有女非中郎效東門吳之曠達兮情不能忘抱
西河氏之感悼兮目將成盲悲從心來劍難截淚自睫涌珠迸
裂兒兮兒兮非汝之夭折由吾之薄德傷汝去兮裹襁未烏悵
吾存兮束柴而立踟雲扣天關兮竊問何故而如斯撫汝近地
府兮已覺齒衰而鬢絲瘞汝獅山之南畝庚戌八月初九

觀物觀我詩八律

仙

耕煙草堂詩鈔

士

偶與壺公淡世緣壺中游目小山川不知天地同休息只覺滄
桑有變遷白鳳騎來輕似蝶金鳧化去瘦於蟬長生訣許從吾
受第一先將辟穀傳

龍

會聞銜燭照幽冥起伏誰窺變幻形日出扶桑晴霧冷月明滄
海溼鳳腥抱珠春曉宜貪睡待漏宵深讓獨醒八十一鱗文莫
掩騰空俱作五雲青

鬼

來處高門去北印草浮燐火散寒光秋風楊柳吹荒戍春雨桃
花冷戰場忠孝英靈天鑑烈恩仇心事夜臺涼人間壯士休回
首終古青山賸夕陽

蝶

卮字雕闌雨後憑冷紅寒翠溼香凝迷離金粉三千隊縹緲樓
臺十二層日午招來花有主夜涼飛去月爲鏡翩翩年少儲靈
羽得遇春風使上騰

生

原未將絲挂此身忽教捆縛墜紅塵裏來繡襖心懷赤說到桑
弧意若春憂患都從今日始輪迴知是幾胎人風前摩頂原如
夢漸識之無漸識真

老

碧桃辭醉柳辭顛博飲爭雄羨少年此日看花如霧裏當時騎
竹憶堂前消磨歲月歸衣食狼藉精神在簡編一笑白髭鬚不
稱尋春猶作杜樊川

病

耕煙草堂詩鈔

七

手提如意舞愁城撒瑟還吹子晋笙曾作兒時情讀詩又成老
去乞休名囊空欲濟貧原憲卮漏偏逢渴長卿如此負薪醫未
得五禽術妙不關情

死

夕陽西下便黃昏撒手聲名有定論馬革裹屍眞壽考鴻文傳
世亦兒孫墜樓絕代花逢劫澆土長春酒不温若使還魂香可
覓漫勞蠅客弔虞翻

故友方仲堅謝世已五年矣曾以少年行看子嘯題草

創而未潤色今日錄載集中

碧油幢裏操觚客風流倜儻終軍年一見快馳紅叱撥百蹄翻
破蒼山煙澗城歌折青溪柳溯流我上潯陽船鐘山廬阜隔千
里暮雲春樹心纏綿天風吹我長洲苑君亦棹入鳴琴川重逢

高談別後事劇孟意猶軒然飢來驅人走江北草木不春花
不妍黃河九曲隄一綫輪蹄珠春冰堅三年不識稻粱味霜
雪一頭塵兩肩東風料峭布帆穩袁浦棹歸黃浦前海上碧桃
花怒發但有雲英無僱伶時至便冀神仙福途窮又結水山緣
賀老鏡湖劍南閣嘯傲各鬪詩百篇君聞此語笑拍手一圖出
示風翩翩買絲待繡平原貌執筆先題玉局仙

仿曹唐體賦小游仙三十首全用平韻

廿年訪道入穹窿猶是紅塵射鴨翁三不朽名吾冀一小詩或
在立言中

詔巡海外九州農蠟冕曾膺碧落封玉壘一新花夾道揚鞭前
導馬如龍

紫珊格子綠珉窗滿地松釵鶴一雙環佩未歸春寂寂但聞花

耕煙草堂詩鈔

三

外吠仙龙

金犢犁田種玉芝一般香鋪重三時不知上界農輪課可許榆
錢作稅資

竹笠芒鞋短後衣爛柯山午啟雲扉靜觀打盡楸枰劫始信仙
心亦有機

蘭香幾欲駕飄車又恐罡風裂繡裾烏兔匆匆雲冉冉望穿張
碩眼如魚

散仙那得佩金符身縮壺公背上壺凜雪心神剛入道便思茅
土鏡東都

有人冲舉不孤棲惻隱春閨怨戍聲急道風姨奔下界替吹情
夢到遼西

金母鸞車碾玉階瑤池就宴酒如淮吹笙擊鼓排仙樂侍女都

簪紫鳳釵

玉狗鴻龍守九咳綠章封口奏除災從今准乞黃梁夢爭向邯鄲道上來

鶴髮童顏自在身平章風月四時春綬山桃實鍾山李高會唐虞壽世民

一城秋色滿湖雲楓葉蘆花鴈淺羣獨把岳陽樓上殘故人猶有洞庭君

棹入桃源別有村洞中三日飽雞豚歸逢樵友頭如雪牧笛兒童亦抱孫

八公招手步虛壇說盡神仙採藥難我且煉丹君且喫莫教雞犬溷雲端

夜割蓬萊左股山平明擁翠入塵寰鳳無絲翼麟無角猿攬都

從絕頂攀

一路紅雲兩鬢泉入山人早結仙緣玉書透熟瓊漿飽何事塵心不肯捐

霓裳翻曲譜笙簫片片宮花帶露飄五色石天七竇月人間無此好春宵

一時游騁踏雲坳彈指樓臺起海榴人世爭殘狡兕窟仙山閒煞鳳皇巢

扶桑花底酌松醪月湧東溟興更豪醉跨紅鸞盤碧落捫來惟有酒星高

碧霄春樹碧桃多何處雲鬢擁帶歌花落天門閒不掃夜乘紅鯉渡銀河

春到蓬壺景更奢一層宮闕一層花侍臣笑岸烏紗帽射獵爭

驟白鼻駒

檢點天孫錦七襄人間論價百千強祇因聘負償難了辛苦年年機九張

春風吹暖玉簫聲仙耦同心駕八瀛履底海濤冠上月兩驂如舞向瑤京

偶召麻姑訪蔡經兩鬟雲向主人青玉蔥指爪長如許說與方平總不聽

五銖衣冷露華凝步下瓊樓十二層春夜悠悠風謾謾萬松陰裏忽紅燈

鮑郎山下化青牛角髻人吹一笛秋錦樹白雲寒碧沼吾鄉何處不丹叩

夕陽樓閣武當岑曾遇仙人慨古今贈我一枝靈壽杖扶衰情

比白雲深

一兩鸞車駕彩雲飛瓊彈瑟過江南忽聞暮雨吳孃曲拍手雲階笑脫驂

頤性山中歲月恬眼看耕讀子孫兼門前四季花如錦自署桃源賣酒帘

鶴樓雲我判仙凡年少雄心負劍函星斗一天人倚檻大江無盡古今帆

詠古

古來遇事施經濟金闕何曾屢獻書笑已却秦欽樂毅哭能救楚服包胥連城壁竟歸原主博浪椎偏中副車高詠四賢慚魯鈍借誰文藻一華予

題杏林白燕圖

一山紅杏插晴昊兩翦玉霜天女小飛入人間王謝堂珠簾春
卷梨花曉畫棟雕梁無片埃巢依層幕不翻雷秋社去春社來
生香活色花繁開孤負梁園賦雪才

寡交行

姑蘇城中十萬戶觀其所尚皆繁華人識時務稱俊傑吾何幽
獨棲煙霞貧賤之家待周急囊空未解預羞濯富貴之家車馬
多曳裾干謁司聞呵因之落落殊寡合風月無猜許招納庭前
好鳥亦友生朝啼故枝暮翔集夕陽西下懷舊交半登鬼錄家
蕭條吾老猶存悼前猛魯縞不穿弩力忮低心逐時祇能暫我
固無諂彼頗驕忽有一人突入座鵲衣百結鵲冠破高聲不善
吹笙竽南郭先生正是我我讀書史富五車薄落無用如朽樵
子事鉛槧日兀坐志合道同得幾箇男兒介胄操干戈馬上殺

耕煙草堂詩鈔

六

賊秦凱歌功高爵顯祿豐厚庭盈食客蜂攢窩奈何蓬華作窮
叟一聽足音屣倒走嗚呼斯言痛快良不誣吾志願與賢爲徒
耳餘背義今恒有管鮑高情世久無

漫興

落落大方慚勢要孜孜小隱想抑樊人多機巧猶誇智我本狂
愚幸寡言饋餽東廚翻宿火編摩南檻負晴臨漫勞袞袞諸時
輩篤念貧居老弟昆

長至夜口占

天空雲淨月舒波奈此悠悠長夜何好古畏榮誠寂寞薄身厚
志補蹉跎金猊香鼎供文几鐵馬風檐響玉珂時事交催春又
至桂林軍未撤干戈

庚子年余客黔南聞定海失守道遠傳譌多有不足信者

已酉冬回里晤鄉前輩詢得其詳詩以補記

庚子六月初七日外夷忽從內洋入浪奔來突不可當我武未揚定海失鬼子巧奪鬼斧丁轉鷄如馳往來疾船既有樓復有輪不畏颶母播鯨室洪濤巨浪蜃鄉中禦恐不利守亦拙服夷誰是文潞公殪夷惜無虬髯客

聖朝柔遠恩澤多賊乃自外生成德傳來一種阿芙蓉花亦燼遭身後却流毒中華三十年東南財幾爲之竭賊復叢利犯邊來戰之防之宜慎密我

朝版圖古無僞一千七百郡州邑分馳羽檄守土官一處精練鄉兵十可得一萬七千人曠以從軍之紀律教以水戰之法則衆志成城必殲賊賊之出沒無定蹤我之戰守不宜掣賊來使勇爲先鋒賊退分勇守海隰平時耕耨開沙田亦不糜餉足衣

耕煙草堂詩鈔

七

食此卽古來之屯軍智有千慮愚一得

題畫

簪笏叢邊寫意官門庭如水竹檀欒舉頭玉兔邀來易鬆手青蚨復返難宴不南皮從儉約詩翻東野洗寒酸與高寫幅溪藤賣不是營卽亦范寬

夜泛山塘

一棹桐橋夜泛春月明依舊水如銀昔年畫舫檀槽客雲散風流騰幾人

山居宴友效羣孟

結廬依青嶂設門臨綠溪洛城玉川子貧逸無此棲楊花撲書幔疑是春雪霏和風舒吾體款步緣高隄白雲遮荆棘豈爲山師非邂逅攜三盃歸識面翠微巖居昧禮讓守樸不取機持觴

論農事春檢指夏畦月將出東嶺光生草堂西烏歸樹亦靜客
去掩荆扉賢隱遜盤谷壽康或可希

題翠梧白鳳圖

丹穴藏身潔銀牀落葉涼煙雲輝水木冰雪湛文章鵬路三霄
近龍門百尺長吾

君惡有道遲爾一鳴岡

索居吟

官卑閒無印繫肘腰折愧無祿盈斗家傳一片舊青氎裂鬪亦
難資入口耕人之田爲農夫面皮已作恒河皺兼欲爲工而爲
商囊空藝拙徒自疚一無所長百念非故紙堆中活窮叟書常
夜讀漏下三飢更思食腸迴九腹殷其雷有南山東海信在東
坡神窮苦兀兀年復年飛光日日煎人壽低眉苦勉趨時心奮

耕煙草堂詩鈔

六

志空伸汲古手鮑焦潔已眠青山馮唐效世歎白首來日苦短
去日長坐享昇平惜悠謬

吳門冬夜竹枝詞

古木蕭蕭幾葉楓湖船閒被白雲封吳孃袖手烏啼夜怕聽寒
山寺裡鐘

寸陰

青雲壯吾志白雲淡吾心干時昔恐後入山今欲深修身有進
退造物無古今生今不違古僮俛君子林吾衰未聞道因循辜
寸陰低吟伏草莽繫下焦桐音

苦寒行

律中大呂窮陰節瓊瑤世界誰粉飾滕六叱咤巽二號吹墜雪
花大如席嚴凝氣巨溫泉涼川皆塞流地凍裂山堆白雲雲堆

山鞍塚巨靈手難擎潭底老龍冰脫髻穴中飢虎冷敝舌離下
寒雞瘖不啼兩翅沓挖如破箠富兒羔狐會毘臚貧兒衣被裹
生鐵深巷曲徑人蹤希翠觀紅寺鐘聲咽羲和御日匿幽州炬
娥傭妝僵擁襦翻思上古羿射時九輪照燭九州熱天心仁愛
帝德春太皞暖布青陽律沴氣全消華風生賢良登進險邪黜
海氛永靖百鬼囚乾坤肅穆歲星凸

招楊綬卿孝廉鄧尉探梅

年洞景急愁剝啄打門惟恐將通索室無陳設收秸莞債帥禦
人妙翰畧貧乏賢慙北郭騷餓昏譎讓東方朔贍家無業想官
俱粟竊太倉等鼠雀蝸廬息影理靈書爬羅抉剔綜纏縛抽讀
韓蘇奇艷詩兩公肝腎苦彫琢我亦嘔心寒餓中秀句不生無
從捉招來少年子雲裔亦言避債無臺閣才敵東野不酸寒一

耕煙草堂詩鈔

九

科巍撥猶索寞交黍金石兼絲羅安貧共守箠瓢樂三徑期同
明月宵六出花宜先林壑雙券租來雙蹇驢分著吟鞭探梅亭
香雪海浮元墓山鄧尉手從雲裏拍子等欠詩厯有年者番豈
容蟬蛻殼吾儕逋逃恣清游償詩亦比償金虐詩債何如錢債
纏箕張其口牛奮角況子敏筆能解嘲呵凍氣酣搖五岳歸騎
馱梅香到家蓬門先有陽春脚

謀食

謀食逢歉年珠桂析朋舊竭忠兼盡歡顏甲逐層厚理悖回也
空心妄矜氏富走俗而抗塵青眼笑白首紅日薄西山黃雲堆
南畝借問誰家田老農指華胄租吏脅肩催賦納猶言驟小民
四肢疲寸田輪盈斗吾業賴筆耕塗鴉不自醜終遇嗜痴人管
城老難守清靜神遊天困頓身躄圓金以無骨堅玉乃不脛走

售世無憐緇待時審先後得失不介心義利必自剖固儉守吾
謙無譽亦無咎

閨居述懷二十韻

托足吹簫地謀生典貸兼搜羅衣倒篋甲乙券排籤巨賈圖惟
利貧儒性本廉飲河憐假鼠凌漢羨高鷄曠野煙霞淡衡門歲
月恬名曾修庾臬才漸老江淹賓至諸供給童愚助遜謙讀書
頻折節談略一掀髯警報軍需急威聲將令巖民窮流附逆寇
脅慎全殲專閩原歸粵邊防重在黔苗猶憤來突士卒恐魚潛
路踞羊腸險峰攢鳥道尖晉公優奉詔謂林少韓愈未投轄
秦鏡寸心澈吳霜雙鬢添自慚幸聖代知分守窮簷廢寢鐘
鳴寺焚香月浸簾秋風嘶壯馬春水釣肥鮎潤屋從人好游山
不我嫌求榮關命達繕性漫趨炎

耕煙草堂詩鈔

干

折柳歌

昨日不相逢今日無離別揮手到臨歧今日之日何嗚咽回頭
思傾蓋昨日之日何歡悅人生有樂必有哀春禽飛去秋蟲來
非僅盃簪相慶折柳相悲南金美玉買歌笑黃齏白飯款賢才
華月正滿奇花未開花開不識古時月古月仍在今人杯舉杯
邀月來庭戶月卻照人無今古勸月高懸松竹林竹多風節松
垂陰鶴高位而巢松之直鳳潔餐而銜竹之實大夫君子如雲
龍不言離別長相逢

題月夜桃花巖玉人吹洞簫圖效昌谷體

雲稠星密天無河銀蟾吐光霜糝坡覩妝人至花啼露夜寒龍
裙如踏波石牀茵褥含情坐鳳管音調漁笛和一聲玉裂春風
哀紅雨倒飛香霧破曲中幽怨訴九陔炬娥側耳瓊樓開畫

貝錦非不鑑雲梯應接銖衣來爾有仙姿乃凡胎

春閨吟

采恩圍帳流蘇熱金鴨焚香杵婆律漏滴蓮花淚共殘愁深一
夜腸牽直谷鶯啼樹曉巢燕出簾飛賣花郎過畫樓西長鏡凝
妝黛綠齊陌頭柳色憑欄見提戈人去猶酣戰志大封侯歸未
歸願馳露布迅如電寒北風高雪灑衣江南春暖花迎面請撫
刀頭環休同弦上箭

江南弄

煙消銀塘水如羅挖香棹紅珠濺河玻璃艇子攘袖女采菱采
蓮斷續歌亭午層巘紅嵯峨柳陰繫纜涼氛多擱笙調笛譜新
曲聲填空雲凝不那捎鞭俠少駐游騎跌宕如坐相見坡隔岸
酒樓呼瓜飲欲渡不渡心嬾炯冰華世界福鷗鷺水天交碧炎

耕煙草堂詩鈔

三

威姓吳姬回船月碾渦

辛亥元旦

家家翦絲綴庭柯吾愛吾廬歲月和餞臘樽嫌蕭鼓沸試年庚
笑展相多春風楊柳人軒冕流水桃花我笠蓑如願婢來莫鞭
撻助貧功勝謝端螺

四季詩

筆滯詞繁掩性靈蹈空處亦失清新春裁艷體花爲骨秋耿幽
懷菊淡人紅鏡炎炎雪獸托白天碎碎雪鱗皴四時摘句尋章
手倚馬才多屈護身

六十初度

半生塵雪灑征衫經過名山必駭驂處世幸叨良友益讀書更
對古人慙桑榆景迫無三徑儒釋心誠共一龕記我六旬初度

日杏花春雨客江南

清明約友人宴游虎邱

勝地人因冷節忙更番簫鼓沸山塘迎神樂戲排胥吏演罪桁
楊鎖女郎清明祭厲壇迎神於虎邱多有女子演作罪囚者謂之酬願簾捲杏樓春雨細鐘
鳴松寺午雲涼同人宴集玻璃舫隔一層看衆妙場

余與王植庭世好聯姻今夏回里省墓畱居南范村賦詩

誌謝

臨流編竹榭當戶一峰懸南畝家粗給西園主本賢締姻聚申

浦前歲同客上海聯姻乞俸記丁年余官江右植庭亦宦黔南皆在少年行止原無異輸君

屋數椽

安飽依新特肥甘款待豐齒衰牛軟嚼才鈍馬疲癢故土營生

壙長隄曳短篷與君同在笏冒雨亦山中

耕煙草堂詩鈔

三

重過清娛閣有感

閣臨鑑湖面對寒峰所謂山陰道上應接不暇也爲先

伯祖瑤海公舊居先大夫歸田後亦卜居數載今已

歸他姓矣

雲排天柱玉三峯回首清娛閣已空兩岸人家逼鴈齒一溪花
月蕩烏篷船輞川墅失王摩詰老學庵無陸放翁湖水到門依
舊綠重來感與合威同

田家

一枝借傍吼山西屋右園林屋左溪鑑婦蓄縱編竹園牧兒驅
犢出花隄陌頭桑剪聲初歇水面秧鋤綠漸齊領略田家生計
穩自烹藟飯自扶犁

料返吳門王植庭昆仲復畱數日口占一絕藉以誌別

剛還家又東行裝惜別匆匆陸氏莊貓尾筒長蠶豆綠卽論蔬
食亦思鄉

哭德女

幼時聰慧長端莊辛苦都從嫁後嘗歸侍孀姑支病骨難規夫
壻曳名韉畢生汝竟成朝露催老吾原近夕陽麥飯一盂墳草
綠此心猶有幾年傷

同友人至滄浪亭入南禪寺避暑

雨後炎威勢尚驕解衣盤薄憩僧寮一庭野趣青錢買滿座清
言玉塵搖雲裏鐘聲閒出寺風欹荷蓋欲穿橋如何溼翠涼陰
裏猶有紅塵熱未消

壬子嘉平聞警有感

餽飭書偏缺計然秩微才薄况衰年家無田舍歸仍客老畏兵

耕煙草堂詩鈔

五

戈避欲禪湘水風濤漂戰骨晴川雲樹入烽煙舊游親友知何
在冰雪關山馬不前

六師講武久蹉跎鶴唳風聲處處多偵者不聞馳一介善人只

勸念彌陀

潘功甫舍人編告詞人誦佛翼消災難

長江天塹曾橫鎖半壁軍防合

枕戈草澤豈無屠釣輩薦賢誰是漢蕭何

玉帳諮謀款眾賓要知樽俎出經綸尋章摘句雕蟲技雄辨高

談捫蝨人荏澤洗心成猛將花封鍊勇仗錢神上游戰守疏消

息湛湛江波六六鱗

民困征輸寇盜驕頻年烽火未全消大臣勁旅分三路

聖王英謀出九霄平蔡戰功成雪夜奪關勝算在元宵江南釵

鉏人爭賣待獻春醪舞

舜韶

嘉平下旬又聞武昌警報

裏瘡竟乏登陣將鶴恐猿啼雉堞傾未鏖賊巢躡漢水先焚民
舍護方城狼煙已蔽南樓月虎旅應增西塞營四達五通雄鎮
地時無陶侃致昇平

立春書懷

菜甲春盤老瓦盆水南山北屋連村岑樓風色紅飛幔雪嶺晴
嵐綠到門漢上持兵堅壁壘吳西傳座罷琴樽不慚吾老纓難
請只願從戎有後昆

書生南面擁旌旗事到艱危賦式徵林下抽身思畫錦筆端效
命慰宵衣黠颺憑社安無恐蒼鷹謀梁倦不飛民困未蘇棉
稻歉還山裘馬漫輕肥

除夕

耕煙草堂詩鈔

四

生世百除夕白頭猶異鄉樽斟分歲酒鑪爇祭詩香垂老闕奇
禮安貧冀小康春先回宇宙星未掃機槍芳草愁戎馬梅花落
戰場承平疏豹略姑息任鴟張官舍遭蹂躪軍衣棄襦襦飄零
陶侃柳狼藉鄧侯糧華胄忠貞篤茅簷守望長帝能行儉德
臣各上封章江漢金湯復旌旄將帥揚紅旗如報捷端正峴青
陽

上元

昔年齋飯許忘貧華宴今宵亦慨呻劍戟林中零碎月煙波江
上亂離春那堪青笠垂綸地竟有黃巾漏網人幸早南歸從蘭
卜不聞鼙鼓聽吹鹵

移居婁江

我釣婁江異隱淪兵戈滿地避風塵客囊鄭重書千卷官舍荒

涼樹四鄰倉卒移家但容膝迂疏勤政不療貧伯兄奉檄且將
舊匣青萍劍當作平原帖與人

伯兄從戎在九華道申得余生子家報命曰華兒以詩誌

喜余亦和之

老篤遺經志愁無舐犢情居然驛且角更喜子同生余生於乾隆癸丑子

生於咸豐癸丑弧矢逢長夏桑榆報晚晴家郵馳馬首錫子好山名

題王佛雲大令硯緣菴眉子硯拓本圖眉子硯乃前明吳

江葉省郎之女小鸞所製形如眉月題詩爲銘小鸞工

楷曾書金剛經傳世未嫁而卒硯沈淪二百年爲佛雲

得於中州市僧繪圖徵詩

海上琳腴割紫青品題詩卽玉人銘簪花筆格琉璃匣守墨曾

書必

耕煙草堂詩鈔

五

一卷黃庭換白鵝君家韻事本來多世無長爪通眉手奈此端

州片石何

合浦珠沈二百年紅絲今結宰官緣請君磨盾消烽燧時偏軍興同

看垂虹月上枝

向軍門援救金陵屢戰屢捷詩以誌喜

鍾山恢復擁貔貅細柳還屯近石頭夔鏢馬援猶執銳雍容羊

祐有深謀釜中魚向刀邊活救出襄魯之民動以萬計箭下鵬從網面投投首

者亦皆免罪身係安危朝野重鵝黃衣暖主恩稠賞穿黃馬褂

哭張孺人

鄂渚相攸憶結縞催妝親友賦新詩畫眉有筆慚寒瘦理繡挑

鏡忍涓飢廚下侍姑調食鼎慙前勸我守書帷孰知頭白難偕

老給士簫先向汝吹內人病劇猶王中饋侍者勸且養病答曰給士簫來意始涼乃馬太常詠觀我詩句

也

二十于歸六十七一生勤儉理家常
釵環典質詩書富井臼操持筆墨
荒蕪避亂挈婦抱病猶顧小兒郎
黔婁貧乏營齋薄秋雨秋風泣數行

贈熊壁臣觀察

幼年共處成前世頭白相逢尚異鄉
為政仁如羊叔子論交分近魯靈光
書生馬上能殲賊舊友朝中各薦章
我笠公車同耐苦事如城穀兩亡羊

病中聞滬城克復吳廉訪與伯兄唱和志喜余亦依韻奉

和

揮刃齊將賊壘登三軍一鼓氣同增
擒渠血暖調辛手克復正德元且
奏捷光分太乙燈主聖用人金就礪
臣賢報國木從繩特磨

耕煙草堂詩鈔

庚

勇號

恩難遇細柳應屯到秣陵

吉中丞賜巴圖魯即移師金陵

病厭中宵擊柝巡忽傳露布馬馳塵
島夷助順參天理疆吏知兵秉國鈞
烽火先消濱海地鶯花猶是往年春
凱歌首唱吳廉使名振鷄林有偉人

贈章壁田太史

日下班荆又十年何期歸隱遇烽煙
衡文吾浙多英俊已酉科君為吾浙副
避亂他鄉作散仙鄂渚曾觀君舞勺
胥江來笑我忘筌不才貧臥松雲老
破榻猶為孺子懸

贈章瑤鄉侍御

忽漫相逢欲避驄審顏一笑已成翁
曲江風度才猶俊庾信文章老更工
中歲桂冠焚諫草暮年破產急平戎
從知世受君恩重不負先臣首教忠

重登湖海樓有感

朝旭松陵寺塔紅，具區帆影上方鐘。
探幽人泛虹橋外，消暑詩成水閣中。
曲沼藕花雙鷺雪，平隄楊柳一蟬風。
重來清宴今非昔，投轄留賓憶孟公。

夏日偶成

靜坐花南畏暑風，胡牀移踞藥欄東。
納涼把卷消長晝，倦學華山打睡翁。

放言

春雨東菑綠稻秋，霜南畝菘菘蔬食田無下。
澗老知我不如農，數笏朱提易官濟。貧妄思食俸，乃為祖述先鞭蹠。
踏邯鄲無夢，壯薄蠅頭覓利老。猶繭足游山，願為魯運蹈海不效侯嬴抱關。
楊柳春風酒旆桃花流水詩瓢，坐個瓜皮小艇釣游西子湖橋。

耕煙草堂詩鈔

三

梁昭甫將回杭州鄉試順道里門省親賦此贈別

抱負非關重一科，高堂七十鬢雙皤。
荆山璞待今年售，藻鑑人思往日譌。
豚子從游肩負笈，兒輩受業門下象賢接武桂交柯。令子同試秋闈

喜雨

昨夜烏雲暈畢星，今朝銀竹散畦町。
酒空河朔羣賢賤，名署眉山學士亭。
秋草忽添平野綠，晴峯又送隔江青。
老漁響聽溪田水，整頓魚簿棹柳汀。

施夢玉刺史復官吳下喜而賦贈

鶴樵風帶石帆行，來聽金閨七里鶯。
綠筱歌廉叔度紅牙箏，拍柳者卿君工於填詞詩成湖上珠光湛。近有西湖觀荷詩官復江南劍氣平，雙槳煙波一鞭月出山何處不雲程。

詠古

趙不示弱秦示強澗池之會萬馬驥趙王鼓瑟趙王鼠秦王擊缶相如虎畢宴趙不弱於秦一人智勇千人驚懋功懋賞歸封卿位更右出廉將軍廉欲辱蘭鳳無德蘭甘避廉鳩守拙身係安危趙所重忠以釋妒鳩變鳳知先國家後私仇輸情服罪鳳忽鳩秦城十五易趙壁壁竟予秦城不割其時設無相如出不知趙王有何策

避亂山居

六十歸故鄉棲遲無茅屋寄居新特家幽僻遠塵俗四圍多青疇一雨新秧綠老農洗鉏犁稚子移碌碡我無負郭田儋石可儲足楚皖交干戈人心雲翻覆三年零雨師幸賴豐年玉臨流結蓬廬交無煙霞友杖藜白雲鄉雅讓惟田叟叟本不讀

耕煙草堂詩鈔

天

書農經喋於口出作春雨肥入息夕陽瘦吾用吾經綸釣緡不離手鎮日無一魚水面碧雲皺稚子顧我笑架層入花溲投簪衣穉穉擇山避戈鋌桃源在何處四顧心茫然駕言歸鄉曲市遠地自偏日與沮溺事更慕巢許賢人各善生計吾乃耘視田穫稻非恒產況多不稔年

不爲人中傑亦作賈中魁名利未入手尊鱸思歸來歸仍營衣食才與年俱頽吾鄉本滄樸家以耕識諧世貧風不古居山亦疑猜又聞風鶴警出賦江南哀

感懷

楚尾吳頭賊壘新桃源回首已迷津煙花悽絕揚州夢雲樹飄零漢水春百姓家多王謝燕六朝山匿綺羅人秣陵夜雨營吹角草偃風腥滿地燐

舊春許星榆約游西湖夜宿靈隱得一叢花影蓬山小之

句今補成長律一首

頭白衫青杖履紅宵吟煙寺月明中一叢花影蓬山小幾杵鐘聲法界空是處錦衣行樂地誰家玉勒駉游驄石新婦就雲盤鬢尺五瓊樓語未通

秋夜有感

兵戈猶未戢何地託枝棲處賤無長物安會違禍梯垂髮憐幼子結髮感亡妻深夜幽無寐秋蟲四壁啼

何竹簾太守輓詞

周甲同生癸丑年輪君事事祖生鞭誰知白髮辭軒冕歸買青山缺俸錢世亂仙游全晚節時平家祭告重泉情親卅載悲芻束只盼諸孤克象賢

耕煙草堂詩鈔

无

江南政績使君多去後猶傳五袴歌處處梅花吟水部匆匆春夢了東坡煙雲供養原頤性冰雪聰明易薦瘥回首鯉魚橋話別一川風月柳婆娑

題開園聽凱圖

春宵籌筆漏聲和介冑迎年按太阿畫戟當筵談豹畧名園交樹出鸞柯招來舊雨聯今雨聽罷鏡歌接凱歌滬上烽消吳下謚人拋兵甲易農蓑

吳江道中

十年幾度艤垂虹村落蕭條夕照中黃犢犁殘金粉地紅羊劫膽瑟徵官畫船簫鼓禁煙節玉帳弓刀細柳風祠祀三高山七子豈無靈異假兵戎

題嘯雲和尚香光寂照圖

懶雲樓中香花叟竹弟梅兄同拜手二十年前蓮社吟詩成午夜揮星斗虎溪未了三笑緣菩提樹老梅花瘦一山虛白光妙明一龕懃寂圖傳後凡公有懃寂小像我從香雪海邊來來把小雲樓寺叩老去交游方外多又與田公孫輩友大歡喜有雲仍禪祇園鞏固詩增壽

鏡湖竹枝詞

兩板魚牀兩槳船一層楊柳一層煙絕憐漁女盤鴉髻拾得松釵壓鬢偏

東跨湖連西跨湖兩橋浮曠鏡模糊綠衣紅袖煙波舫僥倖何人馮子都

天柱雲開報曉晴龍舟銜尾鏡中行越人上巳楚端午湖水深於江水情

耕煙草堂詩鈔

三

新嫁孃應拜舊墳笙簫吹出水偏門推篷一笑郎先在便面輕搖紅杏邨

山光雲影兩悠悠一片春城抱碧流怪底共君心浩蕩邪溪二十六沙鷗

鳳子翩躚燕頰頰麥青斷處菜花黃春來游屐宜年少老我詩猶尚晚唐

和元卿弟見贈原韻

風雨連牀冷不侵樽開甥館梁蕙賓副貢入贅弟家同時唱和共題襟一枝分我託何晚五斗折君腰且禁貧藉官儲家計活老如松抱歲寒心出山友愛情如許潭水桃花千尺深

贈姪婿梁蕙賓

梁生個儻宗之年皎如玉樹臨風前杜操觚不雕亦不鐫文章

一氣神盤旋吾弟家築書城堅藩籬又爲快壻編蕙賓入三墳
五典腹笥便丈人峯此乘龍仙我來文字添因緣日坐米家書
畫船千巖萬壑名山川桴浮一白詩一篇一篇敏奪造化權射
鵬應手箭脫弦驂縮得路祖生鞭梁生梁生共勉旃

汪氏園觀娑羅花和韓履卿詞丈用楊簡侯方伯韻

門前柳巷聽鶯聲園裏奇葩輦國生仙佛同岑根自固林泉無
月夜猶明能文兄弟聯牀詠禮士公卿並轡行一笑駐驂詩脫
手弓衣繡徧闔閭城

出水偏門至小雲樓

出郭二三里湖村野趣偏米鹽橋上市蓑笠鏡中船避亂錐無
地尋山杖拄錢精廬容小隱高枕佛肱眠

世亂吾偏老春寒麥未秋綠楊煙外艇紅杏雨中樓晚燒疑烽

耕煙草堂詩鈔

三

火歸雲帶客愁親朋疏尺一誰設鄭莊郵

耕煙草堂詩鈔附錄

平種瑤疇字耕煙山陰人父宦湖北生於楚年未冠卽爲人作
記室當代鉅卿如錢裴山秦曉峯會賓谷陳望坡李鹿坪諸公
皆羅致幕中今寓吳下其人傲而不狂貧而不吝酷嗜詩畫在
楚時卽與黃君穀原善深明六法秘要及穀原返君又從之論
奕一落筆便合古人意趣蓋由蘊蓄者深故能如是詩氣清骨
健古近體皆妙五律如清娛閣云開門湖一曲湖上是亭山涼
翠霽詩鬢秋林映酒顏狎鷗心浩蕩聽鴈意蕭閒坐憶劍南老
清風如可攀月夜游小雲棲云夜色清於水詩情澹入禪樹空
山轉月波淨擢飛煙古佛偃塵榻生柴煮石泉年華未枯寂冬
翠積諸天其他佳句如秋夜西湖云青山影裏花圍屋黃葉聲
中酒澆巾越王臺云越國山川嘗膽霸吳宮花月捧心涼贈穀

耕煙草堂詩鈔附錄

一

原文云夢中白鳳騎三島腕底青山編九州皆可傳誦

蔣賈齡

墨林今話卷十六

跋

族祖種瑤公畊煙草堂詩鈔二卷
公伯兄樾峰觀索曾用雕晉陵郡齋
省步青宮鐘吾未與鐘字之後康申
寇亂槩版三失公嗣子更生藏弄原
稟間闕轉徙寄步青高師今集江右
爰命工重宮刻之而書其後曰步青及

耕煙草堂詩鈔跋

一

見先世詩古文集無慮數十冊雖年
月久遠紙散墨渝皆當時手寫定本
首尾完善而度卷篋衍未堂版以於
乾隆中瑤海太守餘山侍郎先後
題字館閣典故祕書而太守清樸園
集塵見於青浦王氏湖海詩傳侍郎
薨後門下士虞山王觀磐字相如為槩留

書屋橐二公負詩文重名稚長詞壇
而字世樸學恥為表襮不取巨著述
自鳴如此少青蚤歲頗思紹述字學
網羅掇拾纂為總集晨鈔瞑寫未
及成書粵賊陷甌域先主藏去志為
數探賊所未盡土寇鄉民流拉雜摧
燒之甲子冬奉使江南情急歸里門

耕煙堂詩鈔跋

二

求嚮所論次戰晉之率無隻字存蓋
兵火之禍烈矣宋以尚詩文為自謬版
者而諸字別集流傳至今未嘗不賴削
剝之力甚或裏寸不遇剝意苦嗟畢
一生之力鉢心剝肝塵、留此膏寸已
及身決不欲繫希矣不幸觀連世嬰
竟至蕩為灰燼棄擲溝澗瓦礫者

與碧血青燐同盡亦可哀已茲則取
 世所未見之本理而董之刻以傳世
 縱傳不傳未可知要亦後死者之哀也
 公以詩交知魯南城而所作於吳東
 鄉為近步喜昔傳公譚藝輒標
 舉香蘇山館集為職志且曰師詩
 少作沈麗晚境清蒼今循誦公集

耕煙草堂詩鈔

三

亦復無以易之同治六年太歲丁卯小
 孫夕族孫步青謹識



